

四庫全書

集部

欽定四庫全書

集部

唐詩鼓吹卷

六五

詳校官中書

臣呂光復

助教臣常循覆勘

覆校官中書

臣

張虎拜

校對官助教

臣

胡予襄

謄錄監生

臣

吳之承

欽定四庫全書

唐詩鼓吹卷五

元 郝天挺 註

劉滄

字蘊靈魯國人大中八年進士  
調華原尉有詩一卷傳於世

長洲懷古

李白為宋中丞請都金陵表云西以  
峨嵋為壁壘東以滄海為溝池守海

陵之倉獵  
長洲之苑

野燒空原盡荻灰

燒去聲燎  
原之火曰燒

吳王此地有樓臺

平江  
府漢

地里志吳地漢高祖封  
荆王賈吳王濞於此

千年事往人何在半夜月明潮

自來白鳥影從江樹沒清猿聲入楚雲哀停車日晚薦

蘋藻

春秋左氏傳澗溪沼沚之毛蘋蘩蕰藻之菜可薦於鬼神可羞於王公

風靜寒塘花

正開

經煬帝行宮

今揚州淮安故基猶存

此地曾經翠輦過浮雲流水竟如何

杜詩流水生涯盡浮雲世事空香

消南國美人盡怨入東風芳草多殘柳宮前空露葉夕

陽江上浩煙波行人遙起廣陵思

廣陵即江陵也

古渡月明聞

棹歌

與僧話舊

巾舄同時下翠微

舄崔豹古今注曰以木置履下乾腊不畏泥也

舊遊因話事

多違南朝古寺幾僧在

南朝已見前注

西嶺空林唯鳥歸莎徑

晚煙凝竹塢石池春色染苔衣比來相見又相別即是

關河朔雁飛

咸陽懷古

經過此地無窮事一望淒然感廢興渭水故都秦二世

秦二世而亡

咸原秋草漢諸陵

咸陽原漢長陵平陵在焉

天空絕塞聞邊

雁葉盡孤村見夜燈風景蒼蒼多少恨寒山半出白雲層

劉威

遊東湖黃處士園林

偶向東湖更向東數聲雞犬翠微中

長沙郡有東湖戴叔倫亦有詩云偶

向東湖東復東數聲雞唱翠微中未知孰是

遙知楊柳是門處似隔芙蓉無

路通樵客出來山帶雨漁舟過去水生風物情多與閑

相稱所恨求安計不同

出處不同安於自適

曹松

字夢徵舒州人也光化四年登第時七十餘矣授校書郎而卒有集三卷傳於世

南海旅次

憶歸休上越王臺

臺在廣州北悟性寺越王事見前注

歸思臨高不易裁

為客正當無雁處

當一作逢衡州有回雁峯在衡陽之南至其處不過

故園誰

道有書來

以無雁故無書

城頭早角吹霜盡郭裏殘潮蕩月迴

蕩一作帶

心似百花開未得年年爭向被春催

陪湖南李中丞璋宴隱溪

竹林啼鳥不知休羅列飛橋水亂流觸散柳絲迴玉勒

約開蓮葉上蘭舟酒邊舊侶真何遜

宋何遜字仲言八歲能賦詩沈約嘗

謂遜曰吾每讀卿詩一日三復猶不能已其為名流所稱如此

雲裏新聲是莫愁

石城有女

子名莫愁善歌謠故樂府有莫愁曲

若值主人嫌晝短應陪秉燭夜深遊

古詩晝短苦夜長何不秉燭遊

崔魯

廣明間舉進士有無機集傳於世

春日長安即事

一百五日又欲來梨花梅花參差開行人自笑不歸去

瘦馬獨吟真可哀杏酪漸香鄰舍粥

鄴中記寒食三日為醴酪又煮粳米

及麥為酪搗榆煙將變舊爐灰

譙周古史考燧人氏鑽木取火春取榆柳夏取

杏棗季夏取桑柘秋取柞櫟冬取槐檀

畫樓春暖清歌夜肯信愁腸日九

迴

九迴腸見前注

### 過蠻溪渡

綠楊如髮雨如煙立馬危橋獨喚船山口斷雲迷舊路

渡頭芳草憶前身隨遠道徒悲梗

戰國策蘇代謂孟嘗君曰有土偶人

與桃梗相與語土偶人曰今子東國之桃梗也刻削子以為人降水下流子而去則子漂漂者將何如耳世謂

羈旅為泛梗飄蓬者始此

詩賣明時不直錢

前漢灌夫於武安侯田蚡席行酒至蚡蚡不肯

飲夫怒嘻笑曰將軍貴人次至臨汝侯灌賢賢方與程  
不識耳語人不避席夫無所發怒乃罵賢曰平生毀程  
不識不直一錢今日長者為壽乃效兒女曹咕囁耳語耶  
歸去楚臺還有計釣船春  
雨日高眠

春晚岳陽城言懷 二首

煙花零落過清明異國光陰老客情雲夢夕陽愁裏色

書禹貢雲土夢作乂

杜預

洞庭春浪坐來聲

郡國志云岳州

左傳注雲夢跨江之南北

左洞庭右彭蠡洞庭在巴陵縣西橫亘七八百里

天邊一與舊山別江上幾看

芳草生獨凭闌干意難寫

凭一作倚

暮笳鳴咽調孤城

詩意謂久

客已陵思鄉之  
意發於悲筵

又

翠煙如鈿柳如環晴倚南樓獨看山江國草花三月暮

帝城塵夢一年閒虛舟尚嘆縈難解

莊子方舟而濟河有虛舟來觸舟雖

有褊心之人終不怒也忽有一人在其上則惡聲隨之向不怒而今也怒向也虛而今也實

飛鳥空

慚倦未還

晉陶淵明歸去來辭曰雲無心以出岫鳥倦飛而知還

何似不羈詹父

伴睡煙歌月老潺潺

列子詹何楚人也以獨蠶絲為綸芒針為鈎剖粒為餌百仞之泉引

盈車之魚云

左太沖吳都賦鈎餌縱橫網罟接緒術兼詹公巧傾任父

張祐字承吉南陽人太和時卒於丹陽今有詩集一卷傳於世

洛陽感寓

擾擾都城曉四開不關名利也塵埃十門甲第身遙入

王公宅第以甲乙次第之故云甲第萬里銘旌死後來銘旌送葬者書生前爵位名號也

洛水暮煙橫莽蒼

煙一作天蒼上聲三飡而反腹猶果然謂一望之地也

邙山秋日露崔嵬

北邙山在洛陽須知此事堪為鏡書曰人無於水鑑當

於民鑑莫遣黃金謾作堆後漢董卓郿塢有金數十萬斤

顏萱

過張祜處士丹陽故居

并引

萱與故張處士祜世家通舊尚憶孤稚之歲  
與伯氏常承處士撫抱之仁目管輅為神童  
期孔融於偉器光陰徂謝二紀於茲適經其  
故居已易他主訪遺孤之所止則距故居之  
右二十餘步荆棘之下葦門啓焉處士有四  
男一女男曰椿兒桂兒椅兒杞兒問之三已  
物故惟杞為遺孕與其女尚存欲揖杞與言

則又求食女墳矣蘇州吳縣女墳即吳王女之塚也但有霜鬢而黃冠者杖履迎門乃昔時愛姬崔氏與之話舊歷然可聽嗟乎葛帔練裙兼非所有琴書圖籍盡屬他人又云橫塘之西有故田數百畝力既貧窶十年不耕惟歲賦萬錢求免無所嗚呼昔為穆生置醴鄭公立鄉者復何人哉因吟五十六字以聞好事者

憶昔為兒逐我兄曾拋竹馬拜先生

竹馬小兒騎以嬉戲者

書齋

已換當時主詩壁空題故友名

梁任昉四子東里西華南容北叟俱不學墜其

家聲流離不自振西華冬月著葛帔練裙道逢劉孝標  
泣然矜之曰我為卿作論乃著廣絕交論譏其舊友前

序所引葛帔練裙此也

豈是爭權留怨敵可憐當路盡公卿柴扉

草屋無人問猶向荒田責地征

皮日休

字襲美一字逸少襄陽人也咸通中及第為著作郎乾符亂出關為賊巢所殺有文數十

卷詩集一卷滑臺集十卷並傳

過雲居寺玄福上人舊居

重到雲居獨悄然，隔牕窺影尚疑禪。  
不逢野老來聽法，

猶見鄰僧為引泉。龕上已生新石耳，  
壁間空帶舊茶煙。

石上千年苔如耳，鱗文石上如木耳。茶煙煮茶煙也。

南宗弟子時時到

南宗曹溪禪也。

泣

把山花奠几筵

文選任彦昇上蕭太傅啓云：几筵之慕，幾何可憑。

### 西塞山泊漁家

白綸巾下髮如絲

綸音關

靜倚楓根坐釣磯，中婦桑村挑

葉去小兒沙市買蓑歸。雨來蓴菜流船滑，  
春後鱸魚墜

釣肥

蓴鱸事見前注

西塞山前終日客

金陵西有西塞山，近石頭戍。

隔波相

羨盡依依

漢李陵答蘇武書云  
臨風懷想能不依依

### 襄州春遊

信馬騰騰觸處行春風相引與詩情等閑遇事成歌詠

取次衝筵隱姓名映竹認人多錯誤透花窺鳥最分明

岑牟單絞何曾著莫道猖狂似襴衡

魏太祖欲辱襴衡  
召為鼓吏因大會

賓客閑試音節皆令脫去故衣著岑牟單絞之服注曰  
以絹帛為之岑牟鼓角士之冑也鄭玄禮記注曰絞

蒼黃之色

### 送從弟歸復州

羨爾優游正少年竟陵煙月似吳天

孫宗鑑東臯雜錄曰內驛至復州皆

平地南至大江並無丘陵之險渡江至石首始有淺山謂之竟陵者陵至此而竟謂之石首者石自此而始也

竟陵即復州縣名

車螯近岸無妨取

本草車螯蛤屬也南史宋廬陵王義真居武帝憂

會長史劉湛入因

舴艋隨風不費牽

廣雅曰舴艋小舟也宋元嘉有司奏

曰揚州刺史王弘上會稽從事韋諠解列先風聞餘姚令何玠之造平床一乘舴艋一艘精麗過常用功廉倍

請免官奏可

處處路傍十頃稻家家門外一渠蓮慙慙莫笑

襄陽住為愛南塘縮項鰻

齊張敬兒為刺史作六槽船置獻齊高帝曰奉槎頭縮項

鰻一千八百頭

孟浩然襄陽詩云試垂竹竿釣果得槎頭鰻人漢水鰻魚極美襄人以槎斷水因名為槎

頭編

寄題羅浮軒轅先生所居

亂峯四百三十二

元和志羅浮山之峯四百三十二

欲問徵君何處尋

天子徵召者曰徵君

紅翠數聲瑤室響

紅翠山鳥名也羅浮山有璇房瑤室七十

文選注

二真檀一炷石樓深

真檀香名也

山都遣負沽來酒

述異記廬陵大

山之閒有山都似人裸身見人便走自有男女可長四五尺常在幽昧之中似魑魅鬼物

樵客容看

化後金

洛中紀異唐初進士龐式薛玉俱課業嵩山王採樵見一山椒有道士曳輕羅帔守一爐玉拜

之道士曰汝肯隨我去乎玉辭之見爐中黃金爛然須臾乘虛而去玉歸話其事

從此謁師知

不遠求官先有葛洪心

晉葛洪為散騎常侍辭不受聞交趾出丹砂求為勾漏令帝以

洪資高不許洪曰非欲為榮以有丹耳帝從之

### 送圓載上人歸日本國

講殿談餘著賜衣柳帆却返舊禪扉

柳帆以柳木為帆檣

貝多紙

上經文動

貝多出摩伽陀國長六七尺冬不凋梵語貝多波力又漢言樹葉西域寫經用此出西陽

雜如**意瓶**中**佛爪**飛

圓覺經云譬如摩尼珠映於五色注梵言摩尼漢言如意也宋

史西河離石人劉薩訶於丹陽城禮阿育王塔見放光

明集衆掘得鐵函函中人有銀函盛舍利及佛爪髮詔

遣沙門釋颺母影邊持戒宿波神宮裏受齋歸

嶺表志中秋夏

閒有暈如虹謂之颼母影必有颼風能覆舟人泛海者  
深以為懼也詩言圓戴上人修持戒律精嚴能使龍宮  
命食雖遇颼風亦無傷也波神宮謂龍宮也

家山到日將何日白象新秋十

二園

酉陽雜俎乾陀國頭河岸有繫白象樹花  
葉似棠李冬方熟相傳此樹滅佛法亦滅

屣步訪魯望不遇

雪晴墟里竹欹斜蠟屐徐吟到陸家

晉阮孚性好屐或有詣阮正自蠟屐

因嘆曰未知一生能著幾兩屐

荒徑掃稀堆栢子破扉開澀染苔花壁

閑定欲圖雙檜厨靜空如飯一麻

瑞應經曰釋迦佛生  
迦維羅衛國為太子

後出家既歷深山到幽僻處菩薩拾藁  
布地正其坐月食一麻二麥端坐六年  
擬受太玄今不

遇可憐遺恨似侯芭

揚雄傳侯芭鉅鹿人常從雄居受其太玄法言

開元寺早景即事

客省蕭條柿葉紅樓臺如畫倚霜空銅池數滴桂上雨

漢宣帝紀金芝產於函德殿銅池中顏師古注云銅池承甃以銅為之

金鐸一聲松杪風

鶴靜時來珠像側

浮圖上珠像曰珠像

鷓鴣多在寶幡中如今塵

外虛為契

今一作何

不得支公此會同

支公為支遁也

病孔雀

煙花難媚思沈冥猶自擡頭護翠翎強聽紫簫如欲舞

因眠紅樹似依屏因思桂蠹傷肌骨

漢南粵傳桂蠹一器應劭注桂樹中

蠹蟲也蘇林曰漢書常以獻陵廟戴以赤穀小車師古注云此蟲食桂故味辛而漬之以蜜食之甚甘美為

憶松鵝換性靈

換一作損

盡日春風吹不起鈿毫金縷一星

星

### 聞魯望遊顏家園林病中有寄

一夜韶姿著水光謝家春草滿池塘

晉謝靈運詩園柳變鳴禽池塘生春

草細挑泉眼尋新脉輕把花枝換宿香

換一作嗅

蝶欲試飛

猶護粉鶯初學轉尚羞簧分明不得同君賞盡日傾心

美索郎

卿道元水經桑落河出美酒世人俗訛為索郎故有索郎杯

病後春思

連錢錦暗麝氛氲荆思才多詠鄂君

見鄂君船注

孔雀鈿開

窺沼見石榴紅重墮階間牢愁有度應如月

揚子雲常怪屈原文

過相如至不容作離騷自投江而死悲其文讀之未嘗不流涕也以為君子不得時則龍蛇遇不遇命也何必沈身哉乃作書往往撫離騷文而反之自崦山投諸江中以弔之名曰反離騷又旁離騷作重一篇名曰廣騷又旁惜痛以下至懷沙一卷名曰畔牢愁注畔離也牢聊也與君相離愁而無聊也樂府明明如月何時可掇

春夢無心祇似雲

歸去來辭雲無心而出岫

應笑病來慙滿願花

牋好作斷腸文

作或作箇

館娃宮

在硯石山蓋以西施得名

豔骨已成蘭麝土宮牆依舊壓層崖  
弩臺雨壞逢金鏃

吳越春秋吳越王以三千強弩射潮頭與海神戰自是水不近城弩臺臨高射弩之處也  
香逕泥消

露玉釵

館娃宮傍有採香逕步屧廊今靈巖寺是也玉釵見前注

硯沼只留溪鳥浴

硯沼謂硯山之水也

屨廊空信野花埋

響廊下空使西子步屨其上也

姑蘇麋鹿

真閑事

史記吳破越越進西施請退軍王許之王得西施荒淫無度日遊姑蘇子胥諫曰臣恐姑蘇不

久為麋鹿之遊王不聽

須為當時一愴懷

陸龜蒙有次韻

以紫石硯寄魯望兼酬見贈

樣如金蹙小能輕微潤將融紫玉英石墨一研為鳳尾

顧微廣州記曰懷化縣掘塹得石墨甚多精好可寫書

陸雲與兄機書曰一日上三臺得曹公藏石墨數十

萬斤云燒此消復可用不知兄願見之否今得二螺

齊蕭鋒五歲高帝使學鳳尾諾一學即工帝大悅以玉

麒麟賜之曰玉麒麟賞鳳尾諾矣寒泉半勺是龍睛龍睛硯

傷心暗楚辭綠蘋齊葉兮白芷生湛湛江狎客紅筵奪

眼明陳江總後主兩地有期皆好用兩地指騷不須空

把洗溪聲

聞開元寺開筍園寄莫上人

園鎖聞聲駭鹿羣，滿林鮮籜水犀文。森森竟注林梢雨，

攬攬爭穿石上雲。

搜音疎

並出亦如鵝管合。

鵝管謂鵝之翎筒也

各

生還似犬牙分。

漢書犬牙相制

折煙束露如相遺，何亂明朝不

茹葷。

宋何亂字子季嘗入鍾山定林寺聽內典後汝南周顒與亂書令食菜故亂末年遂絕血味莊子

人間世篇回之家貧不飲酒不茹葷

奉和魯望新夏東郊閑泛有懷

水物輕明澹似秋，多情才子倚蘭舟。

蘭舟見前注

碧蓑裳下

欽定四庫全書

唐詩卷五

十三

攜詩草黃茂樓中掛酒筭

隋煬帝幸江都五品以上給樓船九品以上給黃茂船上

編竹如簟以護風雨

蓮葉蘸波初轉棹魚兒簇餌未諳鉤共君莫

問當年事一點沙鷗勝五侯

漢婁護字君卿遊五侯之門每旦五侯饋餉之君卿

乃合五侯所餉為鯖與胘同音征蓋煎和之名故云五侯鯖

奉和龜蒙四月十五日道室書事

望朝齋戒是尋常

朝即朔也

盡啓金根第幾章

金根經名也

竹葉

飲為甘露色

宣城九醞名竹葉酒猛登廬山過石梁見一翁坐桂樹下以玉

述異記庾亮迎吳

杯承玉膏甘露與猛

蓮花鮓作肉芝香

仙傳拾遺云進士蕭靜之掘地得物類人手肥嫩色

微紅烹食之後遇異人曰爾嘗食  
仙藥因告之曰此肉芝食之者壽  
松膏背雨凝雲磴一雨

日作丹粉經年染石床剩欲與君終此志頑仙惟恐鬢成

霜

### 次韻看壓新醅

一簣松花細有聲

仙家以五粒松花釀酒服之香美延年

旋將璫椀

撇寒清

昭明太子將進酒云洛陽輕薄子長安遊俠兒宜城溢渠椀中山浮玉卮

秦吳只恐

籊來近

江文通別賦況秦吳兮絕國

劉項真應釀得平

詩言高祖與項羽爭天下

因此醞釀亦可得和平也

酒德有神多客頌

晉劉伶作酒德頌

醉鄉無貨沒

人爭

王績字無功  
作醉鄉記

五湖煙水郎山月合向樽前問姓名

五湖在大江之南郎山居太山之北如風  
馬牛不相及惟醉鄉中可合而為一也

次韻魯望以竹夾膝見寄

圓於玉筍滑於龍來自衡陽彩翠中  
拂潤恐飛清夏雨叩虛疑貯碧湘風  
大勝書客裁成簡頗賽溪翁截作筒  
從此角中因爾戴

晉羊祜與弟琇書曰既定邊事當  
角巾東路歸故里為容棺之墟

俗

人相訪若為通

夏景無事因懷章來二上人

澹景微陰正送梅

風土記江南三月雨謂迎梅五月雨謂送梅

幽人逃暑瘵

南杯

謂以木瘵為酒杯也

水花移得和魚子

水花蓮也

山蕨收時帶竹

胎

時一作來

嘯館大都偏得月醉鄉終竟不聞雷

劉伶酒德頌靜聽不

聞雷震之聲

更無一事惟留客卻被高僧怕不來

用遠法師蓮社招淵

明事

### 寄瓊州楊舍人

德星文彩瘴天涯

後漢陳仲弓從諸子姪造荀季和父子於時德星聚太史奏五百里內有

賢人聚楊舍人在瓊州故云瘴天涯

酒樹堪消謫宦嗟

南史曰南海有頓遜國在海崎上有

酒樹似安石榴取其花汁停甕中數日而成酒

行遇竹王因設奠

後漢夜郎者初有女子浣

於逝水有三節大竹流入足間聞其中有聲剖竹視之得一男歸養之及長有才武自立為夜郎侯以竹為姓武帝賜以王印綬後遂殺之封其三子為侯死配食其父今夜郎有竹王三郎神是也華陽國志云竹王祠

今在施州歌羅寨西北五十里東山上土人亦名夜郎侯祠也

居逢木客又遷家

木客即山

魑也有詩云酒盡君莫沽壺頃我當發城市多驚塵還山弄明月

清齋靜浹枕榔麵

後漢

夜郎句町縣有枕榔木可以為麵百姓資之注云枕榔木外皮有毛似棕櫚而散生其木剛利木中有屑如麵

可食

左太沖蜀都賦

遠信閑封豷花清切會須歸

有日

文選劉公幹贈徐幹詩曰誰謂相去遠

莫貪勾漏

隔此西掖垣拘限清切禁中情無由宣

足丹砂

勾漏山在容州普寧縣巖穴多  
勾曲穿漏故名 丹砂見前注

夏景冲澹偶然作

一室無喧事事幽還如貞白在高樓

齊陶弘景字通明  
丹陽秣陵人嘗起

三層樓弘景處其上弟子居其中賓客至其下惟一家  
僮至其所梁大同二年卒詔贈大中大謚曰貞白先

生詩  
指此天台畫得千迴看湖月芳來百度遊無限世機吟

處息幾多身計釣前休他年謁帝言何事

曹子建詩云  
謁帝承明廬

逝將歸  
舊疆

請贈劉伶作醉侯

以劉伯倫好飲  
故請封為醉侯

魯望憫承吉之孤為詩引邀余屬和欲用余道

振其孤而和之噫承吉之困身後乎魯望視余  
困與承吉身前孰苦哉未有已困而能振人者  
抑為辭用塞良友

先生清骨葬煙霞業破孤存誰為嗟幾篋詩書分貴位

一林石筍散豪家

張處士愛石嶺南戴羅浮石置於曲阿之宅

兒過舊宅啼

楓影姬遶荒田泣稗花

孟子五穀者種之美者也苟為不熟不如莠稗

惟我與

君堪便戒莫將文譽作生涯

莊子養生篇吾生也有涯

庚寅歲新羅弘惠上人與本國同書請日休為

靈鷲山周禪師碑將還以詩送之

三十麻衣弄渚禽

列子海上之人有好鷗鳥者每旦從鷗遊至者百數即弄渚禽之意

豈

知名字徹雞林

雞林新羅地名

勒銘雖即多遺草

漢班固為實憲勒銘燕山

越海還能抵萬金  
鯨鬣曉掀峯正燒  
鰲晴夜沒島還深

二千餘字終天別  
東望辰韓淚灑襟

後漢東夷傳韓有三種一曰馬韓二

曰辰韓三

曰弁韓

張貴

奉和魯望白菊

雪彩冰姿號女華

唐本草菊花一名女節一名女華

寄身多是地仙家

王子喬玉函方云菊十二月上寅日採名曰長生長生者根莖是也服年八十歲老人可變為童兒即地仙矣

有時南國和霜立幾處東籬伴月斜謝客瓊枝空貯恨

晉謝惠連雪賦云庭列瑤階林挺瓊樹

索郎金鈿不成誇自知終古清香

在更出梅妝弄晚霞

梅妝見前注

羅鄴

餘杭人與宗人隱虬齊名故號三羅咸通中舉進士不第有詩集行於世

洛水

一道潺湲濺暖莎年年惆悵是春過莫言行路聽如此

路一作客  
流入深宮恨更多  
橋畔月來清  
見底柳邊風去綠

生波縱然滿眼添歸思  
未把漁竿奈爾何

### 下第書呈友人

清世誰能便陸沈

莊子則陽篇孔子之楚舍於蟻丘之漿其鄰有夫妻臣妾登極者仲尼曰

是陸沈者也注陸沈隱者沈不在水而在陸極屋極也

相逢休作憶山吟

唐靈徹詩云相

逢盡道休官去林下何曾見一人

若交仙桂在平地  
更有何人肯苦心

去國漢妃還似玉

漢王嬌字昭君在元帝宮中宮人多不得常見乃使畫工圖其形宮人多

賂畫工昭君自恃其貌不與及匈奴入朝選宮人配之昭君以圖當行入辭光彩射人竦動左右

亡家

石氏豈無金

石崇之富不貲為趙王倫所誅王嬙之貌李倫之富可以保其寵享其安然竟不免

去國亡家者何也時有命也詩意喻才雖高而下第者亦有分也

且安懷抱莫惆悵瑤

瑟調高樽酒深

樽一作深當以遠大自期

東歸

日日惟憂行役遲東歸可是有家歸却緣桂玉無門住

桂玉見前注

不算山川去路非秦樹夢愁春鳥弄吳江釣憶

錦鱗肥

見前張翰注

桃夭杏豔清明近惆悵當年意盡違

僕射陂晚望

僕射陂在鄭州東三里後魏孝文帝賜僕射李冲後世因呼為僕射

陂

離人到此倍堪傷  
陂水蘆花似故鄉  
身事未知何日了

馬蹄惟覺到秋忙

秦中歲時記進士下第常年七月後復獻新文求拔解語曰槐花黃舉子

忙

田園牢落東歸晚  
道路辛勤北去長  
却羨無愁是沙

鳥雙雙相趁下殘陽

### 贈閣下閭舍人

二月黃鶯飛上林  
春城紫禁晚陰陰

文選謝希逸宣貴妃誄曰收華紫禁

李善注宮象紫微故名紫禁

長樂鐘聲花外盡

李白詩云聽鐘出長樂傳鼓到新昌龍

池柳色雨中深陽和不散窮途恨

窮途見阮籍注

宵漢常懸捧

日心獻賦十年猶未遇

前漢司馬相如獻上林子虛等賦

羞將白髮對

華簪

陶淵明詩此事真須樂聊用忘華簪

盧綸

字允言河中人舉進士不第大歷初元載薦之累遷檢校戶部郎中監察御史稱疾去卒有集

傳於世

### 長安春望

東風吹雨過青山却望千門草色閑  
家在夢中何日到  
春來江上幾人還  
川原繚繞浮雲外  
宮闕參差落照間

誰念為儒逢世難獨將衰鬢客秦關

夜投豐德寺謁液上人

半夜風中有磬聲偶逢樵者問山名上方月曉聞僧語  
下路林疎見客行野鶴巢邊松最老毒龍潛處水偏清  
願得遠公知姓字焚香洗鉢過浮生

送崔琦赴宣州幕

五馬臨流待幕賓

二千石有五馬車杜詩人生五馬貴  
莫受二毛侵謝安王坦之嘗請桓

溫論事溫令郝超帳中卧聽之風動  
帳開安笑曰郝生可謂入幕之賓矣  
羨君談笑出風塵

欽定四庫全書

唐詩鼓吹  
卷五

十

身閑就養能辭遠

養去聲  
能一作寧

世難移家莫厭貧天際曉

山三峽路

巫山有上  
中下三峽

津頭臘市九江人

九江見  
前注

何處遙

知最惆悵滿湖青草雁聲春

有青  
草湖

至德中途中書事卻寄李澗

亂離無處不傷情  
況復看碑對古城  
路遶寒山人獨去  
月臨秋水雁空驚  
顏衰重喜歸鄉國  
身賤多慚問姓名  
今日主人還共醉  
應憐世故一儒生

晚次鄂州

雲間遠見漢陽城

間一作開

猶是孤帆一日程

一作半

估客晝

眠知浪靜舟人夜語覺潮生

潮江漲也舟人夜覺潮生則緩其纜索

三湘

愁鬢逢秋色

郭璞山海經洞庭陂江湘水沅水皆會巴陵故號曰三湘

萬里歸心對

月明舊業已隨征戰盡更堪江上鼓鼙聲

司空曙

字文明廣平人韋皋招致幕府授洛陽主簿終水部郎中有集傳於世

題靈雲寺

或作凌雲

春山古寺遶煙波石磴盤空鳥道過

鳥道見前注

百大金身

開翠壁

後漢明帝永平二年夢金人魏巍大六飛至殿前帝問羣臣通事舍人傅毅對曰臣聞西域有

欽定四庫全書

唐詩鼓吹  
卷五

三

得道者得無是乎帝遣王遵等往西域求佛法以白馬馱經入洛陽此中土有三寶之始也出大藏一覽萬

龕燈焰隔煙蘿雲生客到侵衣濕花落僧禪覆地多不

與方袍同結足

僧架漿以方帛為之故曰方袍 洛陽伽藍記曰僧肇法師製四論合為一卷

曾示廬山遠大師大師嘆仰不已入呈劉遺民不歸塵

世竟如何

送曲山人歸衡州

白石先生睂髮光

劉向列仙傳白石先生者中黃道人弟子嘗烹白石為糧因白石山居亦

食脯飲酒日行三四百里彭祖問白石先生曰何不  
服藥仙去先生曰天上至尊相奉至難更苦人間耳已

分甜雪飲紅漿

甜雪英華作紺雪 武帝外傳七月七日西王母降教武帝曰欲長生者先取

諸身堅守二一泥丸三宮備衛在絳宮黃庭天真之所服非下仙可服其次有九丹金液紫虹華英太清紅雲之漿絳雪三黃及靈飛之符凡十二事以授帝衣巾半染煙霞氣語笑兼和藥

草香茅洞玉聲流暗水

茅洞茅山之洞見前注

衡山碧色映朝陽

衡山南岳也

千年城郭如相問華表我我有夜霜

見丁令威注

### 寄胡居士

日暖風微南陌頭青田紅樹起春愁  
伯勞相逐行人別岐路空歸野水流  
偏憶尋僧同看雪誰期載酒共登樓

為言惆悵嵩陽寺明月高松應獨遊

陳羽

江東人貞元八年陸贄下及第二人登科歷東宮尉佐有詩集傳於世

送友人及第東歸

五陵春色泛花枝

班孟堅西都賦曰南望杜霸北眺五陵

心解花前遠別

離

解一作醉

落第恥為關右客成名空羨里中兒

漢書沛公畧地陳留

沛公之麾下騎士適鄴食其里中子沛公時時問邑中賢豪騎士語食其食其曰吾聞沛公嫚罵人有大畧真吾所願從若見章言臣里中有鄴生年六十餘高帝見之因使說齊

都門雨歇愁分處山

店燈殘夢到時家住洞庭多釣伴因來相賀語相思

漢蘇

武詩生常復來  
歸死當長相思

### 長安臥病秋夜言懷

九重門鎖禁城秋月過南宮漸映樓紫陌夜深槐露滴

天有紫微垣人主之宮象之宮曰紫宮  
又曰紫禁殿曰紫宸京都之衢曰紫陌  
碧空雲盡火星

流詩七月流火左  
傳火猶西流  
風清刻漏傳三殿  
唐書將軍李守忠奏三殿上所置渾

天儀銅鼎上津流出謂麟德殿及東西廂  
也翰苑在其後杜詩云詔從三殿出  
甲第歌鐘樂

五侯文選陸機詩云甲第椒與蘭又云甲第崇高  
闥注第一宅也前漢王氏五侯同日而封  
楚客

病來鄉思苦寂寥燈下不勝愁

戴叔倫

字幼公潤州人貞元中進士後官撫州刺史遷容管經畧使卒有遺藁傳於世

酬耿少府見寄

耿漳也

方大蕭蕭落葉中

高僧傳舍利國有維摩舊宅唐顯慶中王玄策因向印度過淨明宅以笏

量基止有十笏故號為方大云

暮天深巷起悲風流年不盡人自老外

事無端心已空家近小山當海畔

淮南王小山等作招隱士一篇

身留

環衛隱牆東

後漢北海王君公遭亂獨不去僧牛自隱時人為之語曰避世牆東王君公為少

府職近宮闈故云環衛唐書金吾衛亦云環衛

遙聞相訪頻逢雪一醉寒宵誰

與同

李嘉祐

字從一趙州人天寶七年進士為秘書正字累官至台索二州刺史有集今傳於世

送中舍遊江東

孤城郭外送王孫

前漢韓信傳哀王孫而進食豈望報也

越水吳洲共爾

論野寺山邊斜有逕漁家竹裏半開門青楓獨映搖前

浦

杜詩云輟棹青楓浦

白鷺閑飛過遠村若到西陵征戰處

三國志吳

陸抗上表曰西陵建平國之西門即夷陵也

不看秋草自傷魂

文選江文通別賦黯然銷

魂者惟別而已矣

自蘇臺至望亭驛人家盡空春物增思悵然有

作

南浦菰蔣覆白蘋東吳黎庶逐黃巾

後漢末年黃巾賊起

野棠自

發空流水江燕初飛不見人

宋文帝元嘉二十八年魏人破南兗徐豫青冀殺掠

不可勝計丁壯即加斬截嬰兒貫於槩上盤舞以

遠樹

依依如送客平田渺渺獨傷神那堪回首長洲苑烽火

年年報虜塵

題靈臺縣東山主人

處處征胡人漸稀山村寥落暮煙微門臨莽蒼經年閉

莽蒼荒  
蕪色也

身逐嫖姚幾日歸

嫖姚將軍霍去  
病也詳見前注

貧妻白髮輸

殘稅餘寇黃河未解圍天子如今能用武只應歲晚息

兵機

早秋京口旅泊

京口南徐  
即潤州也

移家避寇逐行舟厭見南徐江水流吳地征徭非舊日

秣陵凋弊不宜秋

秣陵金  
陵也

十家閉戶無砧杵七夕何人

望斗牛

斗牛見  
前注

只有同時驄馬客

漢桓典為御史執法  
無所迴避嘗乘驄馬

而出京師憚之語曰行  
行且止避驄馬御史

偏題尺牘問窮愁

尺牘以木為  
之書於其上

欽定四庫全書

唐詩鼓吹  
卷五

十五

史記虞卿贊曰虞卿  
非窮愁亦不能著書

贈別嚴士元

此詩人見  
劉長卿集

春風倚棹闔閭城

魏王粲懷德詩倚棹泛涇渭日暮山河清越絕書吳王闔閭築城周四

十七里陸門八象八風水門八象八卦  
吳都賦重城結隅通門二八在平江府

水國春寒陰

復晴細雨濕衣看不見閑花落地聽無聲日斜江上孤

帆影草綠湖南萬里情東道儻逢相識問

左傳燭之武曰若舍鄭以

為東道主行李之  
往來供其乏困

青袍今已誤儒生

姚鵠

訪遇真觀趙尊師不遇

遇真一作玉真

羽客朝元晝掩扉林中一逕雪中微  
松陰繞院鶴相對  
山色滿樓人未歸  
盡日獨思風馭返

風馭見乘風列子注

寥天幾

望野雲飛憑高目斷無消息  
自醉自吟愁落暉

唐詩鼓吹卷五

欽定四庫全書

唐詩鼓吹卷六

元 郝天挺 註

杜牧

字牧之京兆人也太和二年進士舉賢良方正為江西團練府巡官累遷左補闕監察御史進

中書舍人卒有樊川集行於世

李給事

即李中敏也

一章緘拜皐囊中

漢文帝集上書皐囊為帷帳後漢靈帝以妖異數見特詔問蔡邕邕表以

皐囊封上注凡章表言密事皆用皐囊

歷歷朝廷有古風元禮去歸維氏

學

後漢李膺字元禮潁川人性簡抗無所交接為司隸校尉及遭黨事下黃門北寺獄遇赦膺乃退居緱氏

縣教授生徒

李給事

江充來見犬臺宮

前漢江充字次倩趙國邯鄲人也見上於犬臺宮言趙國事遂廢趙太子後構巫蠱事竟敗戾太子死充亦被誅

鄭注嘗對帝於浴室

故及

紛紜白晝驚千古鉞鎖朱殷幾一空

鉞斧也鉞砧也刑人之具

揚雄解嘲云徽以紺墨製以鎖鉞左傳曰左輪朱殷杜牧本集注謂鄭注甘露之事也

曲突徙薪

人不曾

前漢霍光傳客有為主入者見其竈直突傍有積薪謂主人曰更為曲突遠徙其薪否者且有

火患主人默然不應後家果失火

海邊今作釣魚翁

道一大尹存之庭美二學士簡于聖明自致霄

漢牧支離窮悴竊於一麾書美歌詩兼自言志

呈上三君子

九金神鼎重丘山

前漢郊祀志武帝興神鼎一一者一統天地萬物所係象也黃帝作寶鼎

三三者天地人禹收九牧之金鑄九鼎象九州

五玉諸侯雜佩環

書舜典修五禮五玉注五

等諸侯所執圭也疏公執桓圭侯執信圭伯執躬圭子執穀璧男執蒲璧

星座通霄狼鬣暗

後漢郎官上應列宿星座通霄言君子在位得時行道也六象列星圖曰天弧九星在狼星東南為天弓也

主備盜賊常屬天向狼星魏明帝景初元年八月庚寅夜有大流星長數丈白色有芒鬣詩言狼鬣暗言小人

不得

戍樓吹角虎牙閑

後漢來歙叱蓋延曰虎牙何敢然漢將軍之號也

斗閒

紫氣龍埋獄

見前注

天上洪爐帝鑄顏

揚子或曰人可鑄與曰孔子鑄顏回

矣注顏子不學亦常人耳遇孔子教之乃庶幾於道是學猶鑄也

若念西河舊交友魚

符應許出函關

隋書高祖頒木魚符於總管刺史雌一雄一又木魚符頒於外官五品以上

### 故洛陽城有感

一片宮牆當道危行人為汝去遲遲

孟子遲遲吾行也

華圭苑

裏秋風起

後漢靈帝光和三年作華圭靈昆苑周一千五百步西苑周三千三百步皆華羅之注並

在洛陽宣平門外

平樂館前斜日時

張衡東京賦曰其西則黨有平樂都城視遠之館黨

銅豈能留漢鼎

後漢張成弟子牢修上書誣告李膺等養太學游士交結諸郡生徒誹訕朝廷

疑亂風俗靈帝大怒乃逮捕黨人如竇武劉淑陳蕃荀  
昱杜密之徒皆在黨中其死徙者六七百人汾陰得  
竇鼎武帝嘉之羣臣皆賀得周鼎吾丘壽王獨曰非周  
鼎上問之對曰臣聞周德上昭天下漏泉上天報應鼎  
為周出故曰周鼎今漢繼周昭德顯行天祚有德而寶  
鼎自出此天之所以與漢乃漢寶非周寶也上曰善

### 清談空解識胡兒

晉書載記石勒販洛陽倚嘯上東門  
王衍見而異之曰向胡雛吾觀其聲

恐為天下之患馳遣收之  
會勒已去王衍能清談

### 十燒萬戰坤靈死

易曰坤地  
道也揚

雄司命箴曰普彼坤靈得天作制  
文選靈光殿賦云據坤靈之寶勢

### 慘慘終年鳥雀悲

### 潤州

即鎮江  
府也

### 向吳亭東千里秋

向吳亭在潤州今為鎮  
江府在府治之西南

### 放歌曾作昔

年遊

鮑明遠有放歌行

青苔寺裏無鳥迹綠水橋邊多酒樓大

抵南朝皆曠達

晉南渡後胡毋輔之謝鯤畢卓羊曼桓彝輩閉室酣飲號為八達

可憐

東晉最風流

晉五胡雲擾元帝都建康故曰東晉風流指王謝也

月明更想桓伊

在

桓伊笛見前注

一笛聞吹出塞愁

晉史劉疇曾避亂塢壁賈胡百數欲害之疇無懼色

援笳而吹為出塞入塞之聲以動之羣胡皆垂泣而去古樂府有出塞入塞曲

又

謝朓詩中佳麗地

謝玄暉鼓吹曲江南佳麗地金陵帝王州逶迤帶綠水迢遞起朱樓

差傳裏水犀軍

國語曰吳敗越於會稽勾踐說國人曰寡人不量力與大國報仇寡人之罪也

親為夫差洗馬而歸乃致其眾而誓之曰寡人聞古之  
賢君不患其眾之不足也而患其志行之不少恥今夫  
差衣水犀之甲者三千人不患其志行之少恥而患其  
眾之不足也南越志云平定縣巨海有水犀似牛其

出入有光城高鐵甕橫强弩

唐乾符中周寶為潤帥築  
羅城二十餘里仍號鐵甕

城又云吳孫權所築  
弩射潮頭與海神戰自是水不近城

柳暗朱樓多夢

雲

用陽臺  
雲雨事

畫角愛飄江北去釣歌長向月中聞揚州塵

土試回首不惜千金借與君

題宣州開元寺水閣閣下苑溪夾居人

六朝文物草連空

金陵六朝紀異謂  
吳東晉宋齊梁陳

天澹雲閑今古同

鳥去鳥來山色裏人哭水聲中深秋簾幙千家雨  
落日樓臺一笛風惆悵無因見范蠡參差煙樹五湖東

范蠡五湖  
見前注

宣州送裴坦判官往舒州時牧欲歸京

日暖泥融雪半消

杜詩云泥融飛燕子

行人芳草馬聲嬌九華山

路雲遮寺

九華山在池州

清弋江村柳拂橋

清弋江在宣州宣城縣西五十里

君意如鴻高的的我心懸旆正搖搖

戰國策楚王曰寡人之心搖搖如懸

風中之旌  
暉詩旅思倦搖搖

謝玄

同來不得同歸去故國逢春正寂寥

登池州九華峯寄張祜

九華舊名九子山翰林李白以其峯如蓮華遂

改作  
九華

有感中來不自由，角聲孤起夕陽樓。碧山終日思無盡，

芳草何年恨始休。睫在眼前猶不見，道非身外更何求。

孟子道在邇而求諸遠，事在易而求諸難。

何人得似張公子？

指張祜處士

千首詩

輕萬戶侯。

九日齊山登高

江涵秋影雁初飛，與客攜壺上翠微。

翠微見前注

塵世難逢

開口笑

莊子人生上壽百歲中壽八十下壽六十病瘦死喪憂患其中開口而笑者一月之中不過四

五日

菊花須插滿頭歸但將醕酢酬佳節不用登臨歎

落暉古往今來只如此牛山何必淚沾衣

列子齊景公遊於牛山北

臨其國城而流涕曰美哉國乎鬱鬱芊芊若何謫去此國而死乎使古而無死者寡人將去斯而何之史孔梁邱據從之泣晏子獨笑於傍曰吾君方將被藁笠而立於猷畝之中惟事之恤何暇念死乎景公慙焉

### 齊安郡晚秋

柳岸風來柳漸疎使君家似野人居

杜詩重來休沐地真作野人居

雲

容水態還堪賞嘯志歌懷亦自如雨暗殘燈棋散後酒

醒孤枕雁來初可憐赤壁爭雄渡

赤壁屬黃州三國志曹操與周瑜遇赤壁

初戰操軍不利引次江北後有烏林之敗

唯有蓑翁坐釣魚

得替後移居雪溪館

在湖州牧常為刺史

萬家相慶喜秋成處處樓臺歌板聲千歲鶴歸猶有恨

千歲鶴已見華表注

一年人住豈無情夜涼溪館留僧語風定蘇

潭看月生

唐蘇瓌為烏程尉墮此潭聞有人語云扶出相公後果拜相故名蘇公潭有記存焉在州治之

東景物登臨閑始見願為閑客此閑行

柳

日落水流西復東春光不盡柳何窮巫娥廟裏低含雨  
宋玉門前斜帶風莫將榆莢共爭翠深感杏花相映紅  
灞上漢南千萬樹幾人遊宦別離中

杜詩漢南因老  
盡灞上遠愁人

### 送劉秀才歸江陵

綵服鮮華觀渚宮

高士傳老萊子年七十衣斑斕之衣  
為嬰兒戲於親前 杜詩朝夕高堂

念應宜綵服新  
王在渚宮今之城

左傳楚子西沿漢沂江將入郢 鱸魚  
楚渚宮地也梁元帝名以渚宮

新熟別江東劉郎浦夜侵船月

郡國志劉備娶孫夫人  
婚於楚地因名 荊州

記劉郎浦在荊州石  
首縣沙步之東也

宋玉庭春弄袖風

江陵有  
宋玉宅落落精

神終有立飄飄才思杳無窮

司馬相如上人賦武帝大悅曰飄飄然有凌雲之

氣誰人世上為金口

揚子曰如將復駕其說者則莫若諸儒而金口而木舌

借取

明時一薦雄

杜詩揚雄更有河東賦惟待吹噓送上天甘泉賦序孝成帝時客有薦雄文似相

如者上方郊祀甘泉泰時汾陰后土以求繼嗣召雄待詔承明之庭云云

### 題青雲館

屬商於

虬蟠千仞劇羊腸

文選魏文帝詩羊腸坂詰曲車輪為之摧

天府由來百二

强

史記蘇秦說秦惠王曰秦四塞之國被山帶渭東有闕河西有漢中南有巴蜀北有代山此天府也前

漢高帝紀田肯賀上曰秦形勢之國也帶河阻山懸隔十里持戟百萬秦得百二焉蘇林曰秦地險固二萬人

欽定四庫全書

唐詩鼓吹

卷六

七

足當諸侯  
百萬也

四皓有芝輕漢祖

四皓見前注

張儀無地與懷王

史記張儀說楚懷王使絕齊請獻商於之地六百里楚遂絕齊使將軍隨張儀受地至秦儀佯墮車不朝三月齊秦之交合儀乃出謂楚使者曰臣有秦邑六里願獻大王楚王大怒

帳連雲影蘿陰合

枕繞泉聲客夢涼深處會容高尚者

易蠱卦上九曰不事王侯高尚其事

水苗三頃百株桑

水苗稻種也

殘春寄張祜

暖雲如粉草如茵獨步長隄不見人一嶺桃花紅錦點  
半溪山水綠蘿新高枝百舌猶欺鳥

百舌鳥名

帶葉梨花獨

送春仲蔚欲知何處在苦吟林下拂詩塵

晉皇甫士安高士傳曰張

仲蔚平陵人與同郡魏景卿俱修道德隱身不仕明天文博物善詩賦所居蓬蒿沒人不治榮名時人莫識惟

劉龔知之

### 寄浙西李判官

燕臺上客意何如

燕昭王築黃金臺以禮郭隗

四五年來漸漸疎直

道莫拋君子業

語直道而事人焉往而不三黜

遭時還與故人書

杜詩厚祿

故人書斷絕恆飢稚子色淒涼

青雲滿眼應驕我白髮渾頭少恨渠誰

念賢哉崔大讓可憐無事不歌魚

史記孟嘗君客有馮驩者彈長鉞歌曰長

缺歸來乎食無魚食有魚矣  
又歌曰長缺歸來乎出無車

訪張明府同趙二十二嘏聯句

陶潛官罷酒瓶空門掩黃花一逕風

陶潛去官作歸去來辭云三逕就荒

松菊猶存

古調詩吟山色裏無絃琴在月明中

趙淵明常蓄無絃琴一

張曰但識琴中趣何勞絃上聲

遠簷高樹宜幽鳥出岫孤雲逐晚虹

杜

歸去來辭云雲無心以出岫

別後東籬數枝菊不知閑醉與誰同

趙

洛陽

文征武戰就神功

書云舞干羽於兩階七旬有苗格又云壹戎衣而天下大定

時似

開元天寶中

開元天寶中  
宗時年號也

已見玄戈收相土

張平子西  
京賦建玄

戈樹招搖注云玄戈北斗第六星為旄頭主胡兵唐  
憲宗元和七年田承嗣納土詩云相土烈烈海外有

截注相土契之孫詩應回翠帽過離宮

張衡西京賦  
云戴翠帽倚

金較註翠帽車  
蓋黃金以飾較

侯門草滿置寒兔

詩兔置肅肅兔  
置施于中遠

洛浦

沙深見塞鴻疑有女娥西望處上陽煙樹正秋風

張衡  
西京

賦女娥坐而長歌聲清暢而蛟蛇  
吾婕妤妖人皆令著銅雀臺上月朝十五作技汝等時

登臺望吾西陵  
墓田上陽宮名

寄唐州李尚書

李愬憲宗朝為唐鄧節  
度使檢校尚書左僕射

累代功勲照世光奚胡間道死心降

奚胡為契丹

攻書筆禿

三千管

晉王羲之退筆成丘號退筆塚

領節門排十六雙

晉謝安都督揚荆等十五

州諸軍事其本官悲如故

唐百官志節使辭日賜雙旌雙節行則建節立六纛入境州縣築節樓迎以鼓角

詩意以李尚書比謝安

先揖耿弇聲藉藉

前漢或說汲黯曰天子欲令羣臣下大將軍不

可以不拜黯曰夫以大將軍有揖客反不重耶後漢耿弇字伯昭扶風茂陵人也為光武大將軍封好時侯

今看黃霸事擬擬

前漢黃霸字次翁淮陽陽夏人為潁川太守政稱神明後拜丞相卒謚定

侯

時人欲識胸襟否彭蠡秋連萬頃江

彭蠡湖在鄱陽匡廬山下

奉送中丞姊夫儔自大理卿出鎮江西

檣似鄧林江拍天

山海經曰夸父逐日快飲河渴不足飲大澤未至道渴而死棄其杖化為

鄧林越香巴錦萬千千

閩越產香巴蜀出錦

滕王閣上柘枝鼓

滕王閣在

隆興府郡城西唐高祖子滕王元嬰所建王勃作記樂苑曰羽調有柘枝曲商調有柘枝此曲因舞得名

用二女童鮮衣帽施金鈴拊轉有聲其來也於二蓮花中藏之花折而後見舞中之雅妙者也詩云柘枝鼓

者即舞此曲也

按此曲本出於拓拔氏後人誤傳因名柘枝

徐孺亭前鐵軸船

隆興

東湖南小洲上有漢高士徐孺子宅號孺子亭太守夏侯嵩立思賢亭魏時謂之聘君亭

八郡元侯

非不貴

八郡即江西之八州洪江饒虔吉信撫袁也

萬人師長豈無權

書收誓十

夫長萬夫長

要君嚴重疎歡樂猶有河湟可下鞭

時河湟未下故用祖

述著鞭事  
詳見前注

### 西江懷古

上吞巴蜀控瀟湘怒似連山靜鏡光

連山謂波浪如山也

魏帝縫

囊真戲劇

步騭表言北降人說北多作囊欲以盛沙塞大江吳王曰此曹必不敢來若不如孤言當

以牛千頭為君作主人後見呂岱說騭言北欲作符堅

投箸更荒唐

晉載記符堅欲伐晉左右率石越對曰國有長江之險朝無昏惑之憂未可伐也堅

曰以吾之眾旅投千秋釣舸歌明月萬里沙鷗弄夕陽

杜詩白鷗波浩蕩萬里誰能馴

范蠡清塵何寂寞

范蠡事見前注

好風唯屬往

來商

早雁

金河秋半虜弦開

雲中郡有紫河鎮界內有金河其泥色似紫金在封山宮南漢盛樂縣唐

振武節度使虜弦謂虜之弓矢也

雲際驚飛四散哀僂掌月明孤影過

華山有仙人掌

長門燈暗數聲來

長門漢宮名

須知胡騎紛紛在豈

逐春風一一回莫厭瀟湘少人處水多菰米岸莓苔

京西

雜記太液池邊皆是雕菰綠節之類菰之有米者名雕菰有首者名綠節杜詩波漂菰米沈雲黑露冷蓮房墜

紅粉

欽定四庫全書

唐詩鼓吹

十一

聞慶州趙縱使君與党項戰中箭身死

將軍獨乘鐵驄馬榆溪戰中金僕姑

榆溪在慶陽府西北六百里左傳

宋公以金僕姑射南宮長萬

死綏却是古來有

禮記武車綏旌注有虞氏之旌旗也司馬

兵法曰將軍死綏

梁任昉彈

驕將自驚今日無青史

文章爭點筆

梁江淹上建平王書俱啓丹冊並圖青史

朱門歌舞笑捐軀誰

知我亦輕生者不得君王大二父

說文父杖也音殊禮父以積竹八觚長大

二尺建於兵車旅賁以先驅也詩曰伯也執殳為王前驅

街西

隋三禮圖長安領街西五十四坊及西市多王公貴戚之第

碧池新漲浴嬌鴉

杜牧阿房宮賦云渭流漲賦棄脂水也與此意同

分鎖長安

富貴家遊客偶同人鬪酒名園相倚杏交花銀鞍騾裏

嘶宛馬

文選徐敬業詩鮮車騾華轂汗馬濯銀鞍淮南子曰夫待騾裏飛苑而駕之則世莫乘車矣

注騾裏飛苑日行千里龍馬也宛馬漢戴師將軍取大宛之馬

繡鞅璵璠走鈿車

杜

香別傳蘭香數詣張碩婢通言阿母遣配君碩視之可十八九鈿車青牛飲食服玩皆備

一曲將軍

何處笛連雲芳樹日初斜

自宣城赴官上京

瀟灑江湖十過秋酒杯無日不淹留謝公城外溪驚夢

謝玄暉為宣城守

蘇小門前柳拂頭

蘇小錢塘樂妓女子也古樂府有錢塘蘇小小歌

云奴乘油壁車郎騎青驄馬何處結同心西陵松柏下

千里雲山何處好幾人襟

韻一生休塵冠却掛知閑事終擬蹉跎訪舊遊

南史陶弘景與

從兄書曰昔仕宦期四十五左右作尚書郎投簪高邁今三十六方奉朝請頭顱可知遂掛冠神武門上表辭祿

寄題甘露寺北軒

在潤州

曾上蓬萊宮裏行此軒欄檻最留情孤高堪弄桓伊笛

縹緲疑聞子晉笙

桓伊笛子晉笙並見前注

天接海門秋水色煙籠

隋苑暮鐘聲他年會著荷衣去

楚詞製芰荷以為衣

不向山僧說

姓名

冬至過京使發寄舍弟

遠信初憑雙鯉去

古詩飲馬長城窟行客從遠方來遺我雙鯉魚呼童烹鯉魚中有尺素書

他鄉正遇一陽生

易復卦冬至一陽生

樽前豈解愁家國輦下惟

能憶弟兄

輦下謂帝輦之下也

旅館夜憂姜被薄

後漢姜肱兄弟四人居貧作一

布被而共之兄弟皆以孝行著

暮江寒覺晏裘輕

晏子一狐裘三十年

竹門風過

還惆悵疑是松牕雪打聲

長安雜題

雨晴九陌鋪江練

謝玄暉詩澄江淨如練此言九陌如平鋪江練也

嵐嫩千峯

疊海濤南苑草芳眠錦雉夾城雲暖下霓旌

杜詩花萼夾城通御

氣夾城在長安修德坊與昇道坊相接張平子西京賦云弧旌枉矢虹旃霓旌

少年羈絡青

文玉

羈絡馬飾也

遊女花簪紫蒂桃江碧柳深人盡醉一瓢

顏巷日空高

論語在陋巷

二

洪河清渭天池濬

班孟堅西京賦右界褒斜隴首之險帶以洪河清渭之川莊子曰南溟

者天池也言河渭如海之深濬廣大

太白終南地軸橫

太白終南山名春秋括地象

曰地有三千六百軸互相牽制

祥雲輝映漢宮紫

前漢都長安

春光繡畫秦

川明

長安秦地也

草妬佳人鈿朶色風迴公子玉銜聲六飛

南幸芙蓉苑

漢書袁盎諫文帝曰今陛下騁六飛馳下峻山有如馬驚車敝陛下縱自輕奈高廟

太后何杜詩芙蓉小苑八邊愁芙蓉院在敦化坊與立政坊正相接

十里飄香入夾城

唐書地里志開元二十一年築夾城入芙蓉苑

三

晴雲如絮惹低空紫陌微微弄袖風韓嫣金丸莎覆綠

漢韓嫣好彈以金為丸一日所失十餘長安為之語曰苦飢寒逐金丸

許公韉汗杏粘紅

北史宇文述諂事隋煬帝以其子士及尚南陽公主封許國公雲定興附會述為迷製馬韉於後角上缺方三

寸以露白色輕薄者爭效之謂為許公缺勢煙生竊窬深東第文選張平子西京賦云望

竊窬以徑庭眇不知其所返注竊窬徑廷言其中皆迷不識還道也司馬長卿喻已蜀檄云位為通侯處列

東第竊音眺輪撼流蘇下北宮帶之下垂者名流蘇漢書董偃常從武帝遊

戲北宮師古曰自笑苦無婁護知知去聲後漢婁護字君卿遊於王氏五

侯之門皆得其歡心焉可憐鉛槧竟何功王充論衡曰斷木為槧揚雄采集異國殊語

嘗把三寸弱翰齋素紬四尺以書其異語歸以鉛摘刻之於槧故云鉛槧西京雜記揚子雲好事嘗懷槧提鉛

也是也

閨情代作

梧桐葉落雁初歸

淮南子梧桐一葉落而天下知秋

迢遞無因寄遠衣

月照石泉金點冷鳳酣簫管玉聲微

空洞靈章曰真人吹九鳳之簫

佳

人力杵秋風外蕩子從征夢寐稀

古樂府昔為娼家女今為宕子婦宕子行

不歸空床難獨守

遙望戍樓天欲曉滿城鼙鼓白雲飛

鼙鼓見前注

江樓晚望

湖山翠欲結蒙籠汗漫誰遊夕照中

淮南子盧敖遊玄闕見一若士傲然

笑曰吾與汗漫遊於九垓之上

初語燕雛知社日

燕以社日來社日而去

習飛鷹

隼識秋風

月令季夏鷹乃學習

波搖珠樹千尋拔山鑿金陵萬仞

空

楚威王以金陵有王氣埋金以鎮之故曰金陵

不欲登樓更懷古斜陽江上

正飛鴻

高駢

字千里幽州人崇文之孫初為府司馬遷侍御史西川節度使仕至平章事封渤海郡王時巢

賊大亂駢擁重兵以誤任呂用之等誅詩一卷傳於世

寄鄴杜李遂良處士

小隱堪忘世上情

晉王康琚反招隱云小隱隱林藪大隱隱朝市伯夷竄首陽老聃伏柱史

可能休夢入重城池邊寫字師前輩

後漢張芝臨池學書池水盡黑家中

衣絹先書而後練之

座右題銘律後生

後漢崔子玉座右銘無道人

慎勿念受施慎勿忘云云

吟社客歸秦渡晚醉鄉漁去漢陂晴

漢陂澧水

也杜工部有漢陂行皆長安西南地名

春來不得山中信盡日無人傍水

行

### 和王昭符進士贈洞庭趙先生

為愛君山景最靈

山在岳州洞庭湖中

角冠秋禮一壇星

道士夜禮星斗

藥將雞犬雲間試

後漢魏伯陽與弟子三人入山作神丹丹成遂與犬試之犬即死伯陽服

丹即死弟子服之亦死餘二弟子遂不服出山伯陽即起將所服丹內弟子及犬口中皆仙去又見淮南子注

琴許魚龍月下聽

荀子伯牙鼓琴而游魚出聽鈞巴鼓瑟而六馬仰秣

自要乘風

隨羽客

列子御風而行五日而後返

誰同種玉驗仙經

神仙傳羊雍伯有人與石

子一斗使種之後種其石時有徐氏北平著姓有女子求不許雍伯試求之徐曰得白璧一雙當聽之為婚雍

伯乃至種所得白璧五雙徐氏遂妻之

煙霞澹泊無人到除有漁翁過洞

庭

依韻奉酬李迪

柳下官資顏子居

論語柳下惠為士師三黜顏居見前注

閑情入骨若為

除詩成斬將奇難敵

前漢叔孫通曰故先言斬將奪旗之士

酒熟封侯快

未如

漢揚雄解嘲或立談而封侯

只見絲綸終日降

禮記王言如絲其出如綸王言

如綸其出如綳

不知功業是誰書而今共飲醇滋味

前漢曹參為丞相客

有欲言事者參輒飲以醇酒

消得揶揄勢利疎

後漢光武令王霸至薊市中募人將以擊

王郎市人皆大笑舉手揶揄之霸慙而返晉陽秋曰羅友在桓溫府溫不用時有得郡者溫送而友後至溫問之友曰出門於中路遇一鬼揶揄曰見汝送人作郡不見人送汝作郡溫大笑

### 留別彰德軍從事范校書

無金寄與白頭親

韓詩外傳曰田子為相三年歸以金百鎰奉母母曰不義之物不入於館

為人臣不忠為人子不孝田子慙自歸於王還金就獄王赦田子以金賜母

節概猶誇似古

人未出塵埃真落魄

前漢酈食其家貧落魄無衣食業

不趨權勢正因

循桂攀明月曾觀國

易觀國之光利用賓于王

蓬轉西風却問津

論語

使子路問津焉

匹馬東歸羨知己燕王臺上結交新

見郭隗注

途次內黃馬病寄僧舍呈諸友人

官閑馬病客深秋肯學張衡咏四愁

張平子有四愁詩

紅葉寺

多詩景致白衣人盡酒交游

陶潛九日無酒悵然久之見白衣人至乃江州刺史

王弘送酒也即就菊而飲

依違諷刺因行得澹泊供需不在求好與

高陽結吟社

山簡每至習家池未嘗不大醉人歌之曰山公何所詣往詣高陽池日暮倒載歸酩

酹無所之  
況無名跡達珠旒

珠旒帝之冕旒也

### 遣興

浮世忙忙蟻子羣  
莫嗔頭上雪紛紛  
沈憂萬種與千種  
行樂十分無一分  
越外險巖防俗事  
就中拘檢信人文

易觀乎人文以化成天下

醉鄉日月終須覓

醉鄉日月已見前注

去作先生號

### 白雲

### 王初

### 延平天慶觀



劍化江邊綠構新

晉張華使雷煥為豐城令掘獄中得二劍一送華一自佩煥卒子華為州

從事持劍行經延平津劍忽於腰間躍去墮水使人沒取不見但見兩龍各長數丈層臺不染玉

梯塵千章隱篆標龍簡

道士作醺拜章以朱書於簡飾以龍形故曰龍簡

一曲

空歌降鳳鈞

史記趙簡子疾五日不知人及寤語大夫曰我夢之帝所游於鈞天廣樂而九奏萬

舞其聲動人

嵐氣濕衣雲葉晚天香飄戶月枝春盟金早晚

聞仙語

學道之盟心如金石之堅

學種三芝伴羽人

楚詞九歌河伯采三秀兮於山

間注三秀芝草也

沈休文詩淹留訪五藥顧步佇三芝王子年拾遺記周昭王假寐夢白雲中一人衣服

皆羽毛王求上仙之術受絕德之教因名羽人楚辭曰仰羽人于丹丘兮留不死之舊鄉

送葉秀才

快騎璵璠刻玉羈河梁返照上征衣

前漢李陵送別蘇武詩攜手上河梁

遊子暮何之

層冰春近蟠龍起

東方朔神異經北方有層冰萬里而厚百丈月令二月震

雷驚蟄以龍喻葉秀才也

九澤雲閑獨鶴飛

九澤即九臯也

行想北山清夢

斷

意與北山移文正同

重遊西洛故人稀漢庭狗監深知已有日

前驅負弩歸

前漢司馬相如作子虛賦同郡楊得意為狗監侍上誦之上善之曰朕恨不與此人

同時得意曰臣郡人司馬相如所作也召見為郎後以南夷為縣乃拜相如為中郎將建節往使至蜀太守以

下郊迎縣令負弩使先驅蜀人以為寵

欽定四庫全書

唐詩鼓吹

十九

送王秀才謁池州吳都官

池陽去去躍雕鞍十里長亭百草乾衣袂鄣風金縷細

細一作重 古詩 勸君莫惜金縷衣 劍光橫雪玉龍寒晴郊別岸鄉魂斷

曉樹啼烏客夢殘

古樂府有 烏夜啼曲

南館星郎東道主

見前注

搖

鞭休問路行難

古樂府有 行路難

青帝

帝出乎震震東方其色青為春

青帝邀春隔歲還月娥孀獨夜漫漫

羿妻偷羿不死之藥奔月獨居故云

娥孀韓憑舞羽身猶在

子寶搜神記曰宋大夫韓憑其妻美宋康王奪之憑怨王因之憑遂

自殺妻乃陰腐其衣王與登臺自投臺下左右攬衣衣不勝手遺書於帶曰願以屍還韓氏而葬王怒令埋之二塚相對經宿忽有梓木生二塚之上根交枝連有鳥如鴛鴦雌雄各棲其樹朝暮悲鳴而舞其音感人哀切韓憑亦素女商絃調未殘

王子年拾遺記黃帝使素女鼓庖犧氏之瑟滿座悲不能

已後破為二十五絃而餘音兮太容吟曰念哉文選張平子思玄賦素女撫絃

鼓五十絃瑟太容黃帝之樂師也終古蘭巖棲偶鶴晉向秀思舊賦經

曰長無絕兮終古王韶之神境記云滎陽郡南百餘里有蘭巖其路危阻遠絕人跡登其上有石路松林杳

然是雲霞中館宇常有雙鶴素羽瞰然多偶影翔集傳云昔有夫婦隱於此年數百歲化成此鶴從來

玉谷有離鸞春秋元命苞曰火離為鸞故曰離鸞西京雜記張安世十五為侍中善鼓瑟為雙

欽定四庫全書

月言部  
卷六

鸞離  
驚曲

幾時幽恨飄然斷共待天池一水乾

莊子曰南溟

神仙傳王遠字方平與麻姑相會於蔡經家麻姑自言  
接待以來見東海三為桑田向問蓬萊水乃淺於往者  
豈非將為陸陵乎方平笑曰聖人言海中行復揚塵也  
東晉發蒙記海一名天池一名大壑詩意以為恨未  
能釋時不可待此  
篇述其怨曠辭也

銀河

閭闔疎雲漏絳津

左傳八風疏立春條風春分明庶風  
立夏清明風夏至景風立秋涼風秋

分閭闔風立冬不周風冬  
至廣莫風絳津即銀河也

橋頭秋夜鵲飛頻

淮南子云  
鳥鵲填河

以渡織  
女也

猶殘仙媛前裙水

集林曰昔有一人尋河源見  
婦人浣紗因問之曰此天河

也乃與一石而還問嚴君  
平曰此織女支機石也  
幾見星妃度襪塵曹子建洛神賦凌波

微步羅襪生塵  
歷歷素榆飄玉葉古詩天上何所有歷歷種白榆此言星散布如白榆也

涓涓清月濕冰輪年來若有乘槎客見張騫注為弔波靈是

楚臣

楚臣三閭大夫屈原也

### 書秋

千里南雲度塞鴻秋容無跡淡平空人間玉嶺清霄月

天上銀河白晝風潘賦登山魂易斷晉潘安仁秋興賦

楚辭湘君捐余玦兮往來

登山臨水送將歸

楚歌遺珮怨何窮

楚辭湘君捐余玦兮往來

往來

未若奇張翰欲鱸霜鯨碧海東

事見前注

自和書秋

隴首斜飛避弋鴻

班固西京賦曰右界褒斜隴首之險揚子曰鴻飛冥冥弋者何慕焉慕取

也頽雲蕭索見層空漢宮夜結雙莖露

漢武故事帝作銅承露盤上有

仙人掌以承露也

西都賦抗

閭闔涼生六幕風

閭闔見前

仙掌以承露擢雙立之金莖

注三禮圖曰上下四方曰幄幄帷幙也

湘女怨絃愁不禁

湘妃堯之女故曰帝子傳言湘

靈鼓瑟為怨曲也

鄂君香被夢難窮

鄂君見前注

江邊雨櫓連歌渡

古樂府莫愁在何處莫愁石城西艇子打雨櫓催送莫愁來

驚散遊魚連葉東

古樂府云

江南可採蓮蓮葉何田田  
魚戲蓮葉東魚戲蓮葉西

崔峒

博陵人初辟潞府功曹終於  
右補闕有詩集一卷傳於世

### 題同官李明府書舍

松堂寂寂對煙霞五柳門前聚晚鴉

晉陶潛自況為五柳先生傳

流

水聲中視公事寒山影裏見人家觀風共美新為政

有古

采詩之官采邦國之詩以  
觀民風論語為政以德

計日還應更觸邪

後漢胡廣傳御史冠

獬豸獸名正  
直嘗觸不正

可惜陶潛無限興不逢籬菊正開花

朱灣

字巨川號滄洲子亦嘗  
為府從事有集行於世

宴楊駙馬山亭

垂楊拂岸草茸茸繡戶牕前花影重

牕英華作簾

鱸下玉盤

紅縷細

李白酬雙魚見贈云雙腮呀呷鬢鬣張撥刺銀盤欲飛去呼兒拂机霜刀揮紅葩並落白雪飛

酒開金甕綠醅濃中朝駙馬何平叔

三國志魏何晏字平叔尚魏武帝公

主南國詞人陸士龍

吳陸雲字士龍美文藻嘗自稱雲間陸士龍

落日泛舟

同醉處回潭百大映千峯

呂洞賓

名巖京兆人咸通中及第兩調縣令值巢賊亂攜家歸終南學道莫測所往

贈人

羅浮道士誰同流

葛洪字稚川  
隱於羅浮山

草衣木食輕王侯世間

甲子管不得壺裏乾坤只自由

壺公事見  
費長房注

數著殘棋江

月曉一聲長嘯海山秋

晉孫登字公和隱蘇門山阮籍  
與商畧棲神導氣之術登皆不

應籍因長嘯而起至半嶺間有聲若  
鸞鳳之音而響振巖谷乃登之嘯也

飲餘回首話歸路

遙指白雲天際頭

文選謝玄暉出新林浦云  
天際識歸舟雲中辨江樹

吳融

字子華山陰人龍紀元年進士累官至翰林學  
士中書舍人後為翰林承旨卒有文集行於世

閑望

三點五點映山雨一枝兩枝臨水花  
蛺蝶狂飛掠芳草

鴛鴦熟睡繞暖沙

暖一作晴

闕下新居非已業江南舊隱是

誰家東還西去都無計却羨暝歸林上鴉

詩意言禽尚知所止安有

人而不  
如鳥乎

### 即事

抵鵲山前寄掩扉

列子崑山之下以玉抵鵲彭蠡之濱以魚飼犬而人不愛者非性輕財所

豐故也抵鵲山在荆山山出玉故名之

便堪終老脫朝衣曉窺青鏡千峯

入周庾信東宮行兩山銘樹入床前山來鏡裏

暮倚長松獨鶴歸

謝宣城敬亭山詩獨

鶴方朝喉飢  
颺此夜啼

雲裏引來泉脉細雨中移得藥苗肥何須

一筋鱸魚膾

見前注

始掛孤帆問釣磯

書懷

傍巖依樹結簷楹

傍去聲

杜詩滂沱朱檻濕萬慮傍簷楹

夏物蕭條景更

清灘響忽高何處雨松陰自轉此山晴見多鄰犬遙相

認

杜詩犬迎曾宿客

來慣幽禽近不驚爭敢便誇饒勝事九衢

塵裏免勞生

爾雅九達謂之達

金橋感事

金橋洛陽橋名

太行和雪疊晴空二月郊原尚朔風飲馬早聞臨渭北

射鵬今欲過山東

射鵬已見前注

百年徒有伊川歎

左傳辛有適伊川見

被髮而祭於野曰不及百年此其戎乎其禮先亡矣

五利寧無魏絳功

左傳山戎無終子嘉

父因魏絳請和諸戎晉侯欲伐之絳曰和戎有五利焉戎狄薦居貴貨易土土可賈焉一也邊鄙不聳民狎其

野檣人成功二也戎狄事晉四鄰震動諸侯懷威三也以德綏戎師徒不勤甲兵不頓四也鑒於后羿而用德

度遠至邇安五也君其圖之晉侯悅使魏絳盟諸戎日暮長亭政愁絕哀筇一曲

戍煙中

廢宅

風飄碧瓦雨摧垣却有鄰人為鎖門幾樹好花虛白晝

滿庭芳草易黃昏放魚池涸蛙爭聚棲燕梁空雀自喧

隨薛道衡詩  
空梁落燕泥

不獨淒涼眼前事咸陽一火變寒原

秦阿房宮

東西五百步南北五千步下可建五丈之旗及項羽屠咸陽燒其宮室火三月不滅故杜牧之賦云楚人一炬

可憐焦土

彭門用兵後經汴路

懿宗咸通中龐勛反徐州為康承訓破滅彭門即徐

州也

長亭一望一徘徊千里關河百戰來細柳舊營猶鎖月

漢文帝北征周亞夫屯細柳營

祁連新塚已封苔

前漢霍去病攻匈奴至祁連山捕首虜甚

多及去病薨武帝悼之發蜀國玄甲  
自長安至茂陵為大塚像祁連山  
霜凋綠野愁無際

文選顏延年詩春晚  
綠野秀巖高白雲屯  
燒接黃雲慘不開若比江南更牢

落子山詞賦莫興哀

梁庾信字子山有哀江南賦  
機弔魏武帝云傷心百年之際興

哀無情之地  
詩意懿宗奉佛太過酷好音樂急於政  
事盜賊蜂起姦邪竊柄於內將士解體於外致中原板  
蕩甚可傷也

二

隋隄風物已淒涼隄下仍多舊戰場金鏃有苔人拾得

蘆衣無土鳥銜將

吳志諸葛恪傳童謡云諸葛恪蘆葦  
單衣篋鉤落於何相求成子閣  
文

選江文通恨賦云蔓草縈骨拱木斂魂此秋聲暗促  
傷兵士戰死已久箭鏃生苔蘆草縈骨而已

河聲急野色遙連日色黃獨上寒城更愁絕更一作政戍鼙

### 驚起雁行行

高侍御話皮博士池中白蓮

高駢皮日休也

白玉花開綠錦池風流御史報人知看來應是雲中墮

偷去須從月下移已被亂蟬催婉婉更禁涼雨動襜褕

襜褕婦人之纓也襜褕謂花帶雨離披也習家秋色堪圖畫

只欠山翁倒接離

襄陽記峴山西有習郁大池山李倫每臨池必大醉而歸人歌曰時時能

欽定四庫全書

唐詩卷六

三

騎馬倒著白接羅注接羅幘也郭璞爾雅  
注曰白鷺翅上有長翰江東人取為接羅也

新安道中翫流水

一渠春碧弄潺潺密竹繁花掩映間看處便須終日住

見王徽之注下

筭來寧得此身閑縈紆似接迷人洞

謂武陵桃源也

清

冷應連有雪山

成都雪山

上却征車更迴首了然塵土不

相關

憶山泉

穿雲絡石細湔湔

絡一作落

杳杳疑聞弄管絃千仞灑來寒

碎玉一泓深處碧涵天煙迷葉亂尋難見月好風清聽

不眠春雨正多歸未得只應流恨更潺湲

謝靈運詩石淺水潺湲日

落山  
照耀

### 紅葉

一聲南雁已先紅  
槭槭淒淒葉葉同


晉夏侯湛苦寒誦草槭槭以疏葉木

蕭蕭以零殘  
槭音索隕落貌

自是孤根非暖地  
莫驚他木耐秋風  
燒

煙散去陰全薄  
明月臨來影半空  
長憶洞庭千萬樹  
照

山橫浦夕陽中



唐詩鼓吹卷六

欽定四庫全書

集部  
唐詩鼓吹卷八

詳校官中書

臣呂光復

助教

臣常循覆勘

覆校官中書

臣張虎拜

校對官助教

臣胡予襄

謄錄監生

臣吳之承

欽定四庫全書

唐詩鼓吹卷七

元 郝天挺 註

李商隱

字義山懷州人令狐楚愛其才奏為集賢校理後為檢校吏部員外郎歸滎陽卒初自號

玉溪子有樂南集傳於世

錦瑟

瑟繪紋如錦故曰錦瑟

錦瑟無端五十絃一絃一柱思華年

古今樂志云錦瑟之為器也其絃五

十其柱如之

莊生曉夢迷蝴蝶

適也

望帝春心托杜鵑

怨也

滄海

月明珠有淚

清也

藍田日煖玉生煙

和也

此情可待成追憶

祇是當時已惘然

適怨清和即其聲也一篇之中曲盡其意史稱其瑰邁奇古信然

杜工部蜀中離席

懿宗時柳仲郢節度劍南東川辟商隱為判官檢校工部

員外郎時作

人生何處不離羣

禮記子夏曰吾離羣而索居亦已久矣

世路干戈惜暫

分

詩公劉十戈戲揚

雪嶺未歸天外使

杜詩雪嶺界天白

松州猶駐殿

前軍

杜詩玉壘雖傳檄松州已解圍

座中醉客延醒客江上晴雲雜雨

雲美酒成都堪送老當壚仍是卓文君

前漢相如傳卓文君當壚沽酒

相如著犢鼻  
裋褌為滌器

## 隋宮

紫泉宮殿鎖煙霞欲取蕪城作帝家

蕪城即揚州古邗溝城也漢已後荒

蕪鮑昭為賦即此

玉璽不緣歸日角

唐書唐儉說秦王建大計曰公日角龍庭姓協圖識

係天下望矣若外嘯豪傑北招戎狄濟海而南以據秦雍湯武之業也

錦帆應是到天涯

隋煬帝造龍舟施錦帆於舟上以幸江都詩意若非唐太宗據秦稱帝煬帝逸遊之心至於天涯猶未已也

於今腐草無螢火

禮記月令季夏之月腐草為螢隋書煬帝大業末天下盜起帝於景華

宮徵求螢火數斛夜出遊山即放之火光徧於巖谷終廣陵志揚州舊城七八里有煬帝放螢苑并十宮

古垂楊有暮鴉

隋煬帝自汜渚引河築街道植以柳名隋室板蕩咸陽宮

闕為墟千秋萬歲惟有垂楊樓鶴而已

地下若逢陳後主豈宜重問後庭

花

人業拾遺云煬帝遊雞臺恍惚與陳後主遇後主戴

帝累目之後主云此張麗華也帝飲因請張麗華舞玉樹後庭花一曲麗華不懌後主

帝龍舟之遊樂乎始謂殿下致治克舜之上今日復此問龍舟之遊樂乎始謂殿下致治克舜之上今日復此

此之送不見

二月二日

二月二日江上行東風日暖聞吹笙花鬢柳眼各無賴

紫蝶黃蜂俱有情萬里憶歸元亮井

晉陶淵明字元亮嘗為彭澤令督郵

至縣吏白應束帶見之淵明嘆曰吾不能為五斗米折腰事鄉里小兒遂解印綬賦歸去來辭以自見

三

年從事亞夫營

漢書將軍周亞夫嘗北征營於細柳

新春莫悞遊人意

一悞

作更作風簷夜雨聲

籌筆驛

在綿州綿谷縣北九十九里蜀漢諸葛武侯出師嘗駐軍籌畫於此

魚鳥猶疑畏簡書

詩豈不懷歸畏此簡書簡書蓋軍中法令約束言號令嚴明雖千百年

之後魚鳥猶畏之也

風雲長為護儲胥

揚雄長楊賦木擁櫓累以為儲胥注胥須也言有儲

蓄以待所須也韋昭曰儲胥藩落之類也此言武侯忠義風雲猶護其壁壘東坡曰誦此二句使人凜然復

見孔明

徒令上將揮神筆

上將指武侯言弱主在位孔明才沒信黃皓姦邪使社稷

風烈為墟出師之功徒勞而已

終見降王走傳車

魏將軍鄧艾破蜀劉禪銜壁與觀降遂傳送洛陽

陽

管樂有才真不忝

武侯傳孔明初自比管仲樂毅不信也及相先主五月渡瀘七擒

孟獲出斜谷斬夏侯淵屯五丈原困司馬懿比管樂不忝矣

關張無命欲何如

蜀之飛將

惟關羽張飛吳呂蒙殺甚於江陵潤州卒殺飛於帳下

今得短命宜

他年錦里經祠廟

蜀志錦里成都地名武侯祠在焉

梁父

吟成恨有餘

梁父吟武侯所作曰朝出城東門遙望蕩陰里里中有三墳累累正相似云云

九成宮

宮在鳳翔府麟遊縣西五里隋仁壽宮也楊素為文帝起唐改作九成宮

十二層城閭苑西

前漢郊祀志黃帝為五城十二樓以候神人淮南子崑崙山有層城九

重生木木其條五尋十洲記曰平時避暑拂虹蜺

崑崙山有瑤池閭苑玉樓十二此言九成宮之高也

月令章句虹蜺者陰陽交接之氣雄曰虹雌曰蜺

孟堅西都賦虹蜺迴帶於棼棼此言九成宮之高也

雲隨夏后雙龍尾各二有雌雄山海經曰夏后非雨

龍雲蓋三層枯地志禹誅防風氏夏后德盛二龍降

帝使范氏御之以行經南方防風氏神見禹怒射之有

迅雷三龍升去神懼風逐周王八馬蹄周穆王巡行天

以月自貫其心而死一名絕地二名翻飛三名奔霄四名超影五名逾輝六

名超光七名騰霧八名掛翼王元長曲水詩序夏后

兩龍載驅璿臺之上穆吳嶽曉光連翠巘周禮雍州山

謂八駿如舞瑤水之陰鎮曰吳嶽

飲定四庫全書

漢書地理志吳  
嶽在沂縣西

甘泉晚景上丹梯

甘泉漢武宮名  
玄暉敬亭山詩  
謝

追奇趨即  
此陵丹梯

荔枝盧橘霑恩澤

漢永元間嶺南獻荔枝  
里一置五里一墩  
盧橘

枇杷也

詩意荔枝盧橘皆  
暑天方熟故貢於九成宮也

鸞鵲天書濕紫泥

鄴中記  
石虎每

詔書出著鳳口中銜  
出紫泥見前注

## 碧城

碧城十二曲闌干屏辟塵埃玉辟寒

嶺表異錄云有辟  
塵屏婦人為簪梳

則塵不著髮

南越志高州巨海有大屏出入有光其  
角能開水辟塵  
唐杜陽編同昌公主垂七寶步輦四

面綴五色玉香囊中貯辟寒香刻鏤水晶辟塵屏為龍  
鳳觀者眩目  
唐武宗會昌九年大餘國貢火玉三斗

色亦光照十步置閨苑有書多附鶴集仙錄周穆王駕龜鼈魚鱉為梁以

濟弱水而升崑崙玄圃閨苑之好會西王母歌白雲之謠云女牆無樹不棲鸞杜詩樓高

望女牆釋名曰女牆言卑小比之於城如女子之於丈夫也此聯言碧城如仙人宮闕也星沈海底

當牕見雨過河源隔坐看若是曉珠明又定一生長對

水晶盤曉珠謂日也

### 馬嵬

海外徒聞更九州

史記騶衍好為閩大之言言中國名赤縣神州內有九州禹之敘九州是

也中國外如赤縣神州者九乃所謂神州也

他生未卜此生休空聞虎旅鳴

宵柝

書曰虎賁三十人  
廉正壘壁乎上蘭

張平子西京賦陳虎旅於飛  
易繫辭曰重門擊柝以待暴

客柝軍中警  
夜之木也

無復雞人報曉籌

周禮雞人掌夜呼曉叫  
為官 漢官儀宮中不

畜雞衛士候於朱  
雀門外專傳雞唱

此日六軍同駐馬

書甘誓大戰于甘  
乃召六卿注天子

六軍其將  
皆命卿也

當時七夕笑牽牛

唐明皇天寶十載避暑驪  
山宮秋七月七日牽牛織

女相見之夕秦人風俗號為乞巧宮掖間尤尚之夜半  
侍衛皆休貴妃獨侍上凭肩而立因仰天感牛女一年

一會不如己終歲相  
守誓願世世為夫婦如何四紀為天子

明皇即位四十  
四年起先天開

元二十九年終  
天寶十五年

不及盧家有莫愁

梁武帝河中之水歌  
云河中之水向東流

洛陽女兒名莫愁莫愁十三能織綺十四採桑  
南陌頭十五嫁作盧家婦十六生兒似阿侯

# 深宮

金殿香銷閉綺籠玉壺傳點咽銅龍

宮中更漏以

狂飈

不惜蘿陰薄清露偏知桂葉濃

詩薦與女蘿施于松栢南有樛木葛藟纍之言

后妃能逮下也蓋蘿附物而生陰條甚薄狂風吹之桂葉至濃而清露潤之榮枯不均怨之之詞

斑竹

嶺邊無限淚

舜南巡不返葬於蒼梧之野堯二女追之不及至洞庭之山淚染竹即斑妃死為湘

水

景陽宮裏及時鐘

齊書武帝宮內深隱不聞端門鼓漏聲置鐘於景陽樓上以應五鼓

及三鼓宮人聞

豈知為雨為雲意只有高唐十二峯

楚襄

王與神女遇陽臺曰妾巫山之神也朝為行雲暮為行雨朝朝暮暮陽臺之下宋玉有高唐賦巫山十二峯在

大江北與神女廟正  
相對今屬巫山縣

### 留贈畏之

清時無事奏明光

明光宮名

漢李陵與蘇武書曰策名清時曹植送應瑒詩清時難屢

得佳會

不遣當關報早霜

當關司門之人也

東觀記

兩當關扶人拜郎中

言

中禁詞臣尋引領

杜詩詔許辭中禁

孟子曰則天下之民皆引領而望之矣

左川歸客自迴腸

司馬遷云腸一日而九迴

郎

君下筆驚鸚鵡

禰衡作鸚鵡賦見前注

侍女吹笙弄鳳凰

秦穆公女弄玉

好吹笙後與蕭史乘鳳而去見前注

李白詩鳳女吹玉簫吟弄天上春

空寄大羅天上事

大羅天仙人所居秦中雜記進士放榜後至春開前須一人謝世名報羅使言報大羅天也衆仙同

日詠霓裳

明皇遊月宮見仙人歌霓裳羽衣之曲

### 對雪

寒氣先侵玉女扉

庾信哀江南賦云倚弓玉女牕扉繫馬鳳凰樓柱

清光旋透

省郎闈

梁水部郎中劉孝綽對雪詩云浮光亂粉壁積照朗形闈

梅花大庾嶺頭發

廣南有大庾嶺上多梅花今名之為梅嶺

柳絮章臺街裏飛

漢張敞為京兆尹居走馬街多

柳樹又名為章臺街

欲舞定隨曹植馬

魏曹子建名植擬樂府作白馬篇

有情應

濕謝莊衣

宋書大明中雪花降殿庭右將軍謝莊下殿雪集衣白上以為嘉瑞命羣臣皆賦雪花詩

龍山萬里無多遠

宋鮑昭雪詩云胡風吹朔雪千里  
度龍山集君瑤池裏飛舞兩楹間

留

待行人三月歸

其二

旋撲珠簾過粉牆輕於柳絮重如霜已隨江令誇瓊樹

陳尚書令江總與後主狎客孔範沈客卿等作  
玉樹後庭花曲云璧月夜夜滿瓊樹朝朝新

又入盧

家妬玉堂

梁武帝河中之水歌云盧家蘭室桂  
為梁中有鬱金蘇合香詳見前注

侵夜可

能爭桂魄

雪月爭光

忍寒應欲試梅粧

宋武帝女壽陽公主  
人日卧於含章殿簷

下梅花落額上成五出之  
花後人效之為梅花粧

關河凍合東西路腸斷班驢

送陸郎

晉成都王穎以陸機為後將軍河北大都督討長沙王義戰於鹿苑機軍大敗為孟玖等所譖

遂遇害於軍中是日昏霧晝合平地雪深尺餘議者以為陸氏之冤也周庾信哀江南賦云雪暗如沙冰橫

似岸逢赴洛之陸機見離家之王粲云云

# 牡丹

錦幃初卷衛夫人

史記孔子見衛夫人南子夫人自帳中再拜而環珮玉聲璆然繡被

猶堆越鄂君

越鄂君見前注

垂手亂翻雕玉珮

明皇雜錄云舞有大垂手小垂

手或若驚鴻或如飛燕梁劉孝標詩云轉袖招腰爭隨歌發頓履赴絃餘度行過接手回身作斂裾

舞鬱金裙

招腰爭舞英華作細腰頻換史記衛靈公與夫人同車招搖於市過之前言衛夫人當

作招搖今作腰未詳何意

石家蠟燭何曾剪

晉石季倫以蠟燭代炊王愷以飴糖澳釜

令香爐可待薰

襄陽記曰劉季和性愛香主簿張坦曰人名公俗人不虛也季和曰荀令君至

人家坐幕三日香氣不散為我何如坦曰醜婦效顰見者必走也

我是夢中傳彩筆

彩筆

見江淹注

欲書花葉寄朝雲

古樂府有朝雲曲詳見前注

## 促漏

促漏遙鐘動靜聞

唐百官志監門校尉巡日送平安及奏事遣官送入晝題時刻夜題更籌

宮女得而奏聞之

報章重疊香難分

香作亦字則七窠不成報章

舞鸞鏡

匣收殘黛

昔屬賓王得一鸞不鳴夫人曰嘗聞鸞見其類而後鳴因懸鏡以映鸞觀形哀舞中宵而

絕 范泰有詩云明鏡  
懸中堂顧影悲同契  
睡鴨香爐換夕薰  
唐李賀詩云

歸去豈知還向月  
淮南子羿請不死之藥於西王母未及服其妻姮娥竊服得仙奔八月中

夢來何處更為雲  
為雲為雨見前注詩意謂恨不能如姮娥奔入月中

接裏王也南塘漸暖蒲堪結  
李賀正月樂辭云官街柳帶不堪折早晚菖蒲勝綰結兩

兩鴛鴦護水紋  
李白長十行鴛鴦綠蒲上翡翠錦屏中晉虞摯文章流別論曰詩六義興者

有感之辭也此篇擬深宮怨女恨不如禽鳥猶有匹也

### 聖女祠

松篁臺殿蕙香幃  
龍護瑤牕鳳掩扉  
無質易迷三里霧

後漢書張楷字公超能作五里霧時關西裴儼亦能作三里霧不寒長著五銖衣博異志

文本山亭避暑有叩門云上清童子見其著衣極細曰此五銖之衣也又曰天上有六銖尤細者五銖也出門

不見得一古錢北里人問豈有崔羅什酉陽雜俎長志詩玉肌無胗五銖輕

墓魏孝昭之世清河崔羅什被徵夜經於此忽有朱門粉壁有一青衣出遇什曰女郎須見崔郎什恍然下馬

入兩重門青衣通問曰女郎劉府君之妻侍中吳質之女女郎曰比見崔郎息駕庭樹嘉君吟嘯故一叙玉顏

什乃辭去女曰從此十年當更相逢什以玳瑁簪遺之女以指上玉環以贈什上馬行數十步回顧乃一大塚

也天上應無劉武威漢冠軍將軍武威太守劉子南從道士尹公授務成子螢火丸佩之

隱形辟疫鬼及五兵白刃賊盜凶害永平間與虜戰軍潰矢下如雨未至于南馬數尺輒墮地終不能傷出神

仙感應篇 劉禹錫和失婢詩 把鏡朝猶  
在添香夜不歸不返張公子應隨劉武威 寄問釵頭雙

白燕

白燕釵見前注

每朝珠館幾時歸

珠宮貝闕皆神仙居處

### 野菊

苦竹南園椒屋邊微香冉冉淚涓涓

杜詩風含翠篠涓涓淨雨浥紅蕖

冉冉已悲節物同寒雁忍委芳心與暮蟬細路獨來當此

夕清樽相伴省他年紫雲新苑移花處不取霜栽近御

筵

詩意譏當時草澤遺賢無所進用也

### 與同年李定言曲水閑話戲作

海燕參差溝水流同君身世屬離憂相攜花下非秦贅

史記秦俗家貧子壯則出贅

對泣風前類楚囚

楚囚已注

碧草暗侵穿苑

路珠簾不捲枕江樓莫驚五勝埋香骨地下傷春亦白

頭

重有感

玉帳牙旗得上游

上游即上流也

安危須共主分憂竇融表已

來關右

漢竇融字周公遭更始敗天下擾亂融為屬國都尉決策東向遣長史劉鈞奉書獻馬於光武

陶侃軍宜次石頭

晉蘇峻反溫嶠邀侃同討初明帝崩侃不在顧命之列以為恨曰吾江邑

外將不能越局嶠固請推為盟主會庾亮於石頭戍遂誅峻

豈有蛟龍曾失水

曾一作長

莊子神龍失水而陸居為蜷蟻之所制

更無鷹隼與高秋

杜詩蛟龍得雲雨鵬鶚在秋天

晝號夜哭兼幽顯

伍員與申包胥友員之亡也謂包胥曰我必覆楚及昭王在隨包胥如秦

乞師依於庭牆而哭日夜不絕聲十日秦師乃出

早晚星關雪涕收

出關宿盤豆館對蘆叢有感

甘棠志云盤豆館在湖城縣西二十

里昔漢武帝過此父老以才豆盤獻因名焉

蘆葉梢梢夏景深郵亭暫欲灑塵襟昔年曾是江南客

此日初為關外心

此言在關外見蘆憶客江南時也

思子臺邊風自急

前漢戾太子為江充巫蠱所陷奔於湖自經死後  
帝知太子冤族江充乃作思子宮歸來望思之臺  
湖上月應沈清聲不逐行人去一世荒城半夜砧

子初郊墅

看山對酒君思我聽鼓離城我訪君臘雪已添牆下水  
齋鐘不散檻前雲陰移竹栢濃還淡歌雜漁樵斷更聞  
亦擬村南買煙舍子孫相約事耕耘

井絡

井絡天彭一掌中

晉左思蜀都賦岷山之精上為井絡  
注岷山為東井星絡之維杜詩繫

舟蠻井絡成都彭州有山兩峯如闕相去四十步名天彭門因以名州謾誇天設劍為峯

指劍關也陳圖東聚煙江口武侯作八陣圖聚細石為之今在夔州堆石各高大餘為人散

亂或夏水漂沒水退即依然如故邊柝西懸雪嶺松成都有雪山彭州在其東松州在其

西吐蕃時犯松維故云邊柝堪嘆故君成杜宇杜宇謂望帝也可能先主是

真龍周瑜曰劉備非久為人用者將來為報奸雄輩莫

向金牛放舊蹤與地記曰秦惠王伐蜀不知道作五石牛言能糞金蜀王貪金乃令五丁開道

秦使張儀司馬錯引兵滅之

# 宋玉

何事荆門百萬家獨教宋玉擅才華楚辭已不饒唐勒

風賦何曾讓景差

荆楚故事曰楚襄王與唐勒景差宋玉遊雲陽之臺王令各賦大言唐勒

景差各賦不如王意宋玉曰方地為輿圓天為蓋轡弓掛扶桑長劍倚天外於是王喜賞以雲夢之田入宋玉有

九辨及風賦

落日渚宮供觀閣

渚宮即江陵也

開年雲夢送煙花

開年

即新年也

可憐庾信尋荒徑猶得三朝托後車

庾信梁元帝承制除御史

中丞聘西魏屬大軍南討留長安江陵平遠儀同三司周孝閔踐祚遷開府後陳與周通好流寓之士各許還

惟信及王褒惜之不遣常有鄉關之思作哀江南賦以致意云

贈別前蔚州契苾使君

何年部落到陰陵

即陰山也

奕世勤王國史稱

吳步騭上疏勸太子登曰

人君承奕世之基據自然之勢左傳勤王之師

夜捲牙旗千帳雪朝飛羽騎

一河水蕃兒襁負來青塚

論語襁負其子至矣青塚昭君墳在豐州

狄女壺

漿出白登

孟子簞食壺漿以迎王師屬雲中漢高祖為冒頓所圍處

白登

日暮鵝鷀

泉畔獵

鵝鷀泉在金微山南西受降城劉屈丐嘗奔於此

路人遙認郅都鷹

漢酷吏傳郅都為中尉行法不避貴戚

列侯宗室側目而視號為蒼鷹

### 春日寄懷

世間榮落重逡巡

管子曰枯茂非四時之悲欣榮落非我心之憂喜

我獨丘園

坐四春

易束帛箋箋貴於丘園輔嗣云天位無應隱處丘園

王

縱使有花兼有月

可堪無酒更無人青袍似草年年定

庾亮哀江南賦云青袍似草白馬如

練

白髮如絲日日新欲逐風波千萬里未知何路到龍

津

三秦記河津一名龍門龜魚之屬集門下數千不得上上即為龍梁任昉知已賦云過龍津而一息望

鳳條而戴翔

### 和劉評事永樂閑居見寄

白社幽閒君暫居

逸士傳董威隱居洛陽白社以殘絮縷帛為衣號百結衣青雲器

業我全疎

晉阮咸字仲容為始平太守顏延年五君詠曰仲容青雲器

已看諫草歸

鸞掖

宮門有左右掖

尚憤衡門待鶴書

詩衡門之下可以栖遲孔推珪北山移文曰

鶴書赴隴鳴騶入谷

蓮聳碧峯關路近

西嶽名蓮花峯函谷關在其東也

荷翻翠

蓋水堂虛自探典籍忘名利

探平聲

歌枕時驚落蠹魚

### 無題

萬里風波一葉舟

李陵與蘇武詩風波一失所各在天一隅

憶歸初罷更夷

猶

楚辭曰君不行兮夷猶王逸曰夷猶猶豫也

碧江地末元相引黃鶴沙邊

亦少留翼德冤魂終報主

三國志張飛字翼德先主征吳飛領軍就之臨發為帳下

健兒所殺

阿童高義鎮橫秋

晉書童謡曰阿童復阿童銜刀浮渡江不畏岸上虎但畏水中

龍羊祐曰此必水軍有功祐先知王濬小字阿童因表  
監益州諸軍事密令脩舟楫為順流之計濬終滅吳矣  
人生豈得長無謂懷古思鄉共白頭

二

昨夜星辰昨夜風畫樓西畔桂堂東身無綵鳳雙飛翼

心有靈犀一點通

抱朴子通天犀角有白理如線置犀  
粟中雞往啄粟見犀輒驚駭故南人

呼為駭  
雞犀

隔座送闌春酒暖

漢武故事鈞弋夫人少時手  
拳不開故因為藏鈞之戲後

人效

分曹射覆蠟燈紅

漢武帝常使諸家射覆置守官  
孟下皆不能中東方朔自贊曰

臣請據易以釋之卦成是非守  
宮即蜥蜴上善之賜帛一十匹

嗟予聽鼓應官去走馬

蘭臺類轉蓬

曹子建詩轉蓬離  
本根飄飄隨長風

三

來是空言去絕蹤月斜樓上五更鐘夢為遠別啼難喚

書被催成墨未濃蠟燭半籠金翡翠麝香數度繡芙蓉

劉郎已恨蓬山遠更隔蓬山一萬重

劉郎蓬山用漢  
武帝求神仙事

四

颯颯東南細雨來

唐楊師道詩開牕臨  
鳳詔颯颯雨聲來

芙蓉塘外有輕

雷

芙蓉塘  
見前注

金蟾嚙鎖燒香入

金蟾即  
鎖飾也

玉虎牽絲汲井迴

王虎謂  
機螭也

賈氏窺簾韓掾少

晉韓壽字德真美姿容賈充辟為司空掾每宴賓僚其女

輒從青瑣中窺之因通焉時西域有貢奇香一著人則經月不散帝甚貴之惟賜充其女盜之遺壽充知之因

以女妻壽宓妃留枕魏王才

魏黃初三年陳思王朝京師還濟洛川古人有言斯水之神名

曰宓妃感宋玉對楚王神女之事遂作賦曰余情悅其淑美兮心振蕩而不怡無良媒以接歡兮託微波而通

辭

春心莫共花爭發一寸相思一寸灰

五

相見時難別亦難東風無力百花殘春蠶到死絲方盡  
蠟燭成灰淚始乾曉鏡但愁雲鬢改夜吟應覺月光寒

蓬山此去無多路青鳥殷勤為探看

漢武帝內傳七月七日上於承華殿

忽有青鳥從西來集殿前上問東方朔朔曰此西王母欲來也有頃王母果至

### 回中牡丹為雨所敗

浪笑榴花不及春

隋高祖受禪孔紹安來奔見之甚悅拜內史舍人時夏侯端亦嘗為御史

先歸朝授秘書監因侍宴賦石榴云祇為來時晚花開不及春時人甚稱之

先期零落更愁

人玉盤迸淚傷心數

從英華本送今

錦瑟驚絃破夢頻萬

里重陰非舊圃

陰一作怜張衡南都賦玄雲合而重陰谷風起而增哀

一年生意

屬流塵

劉休玄擬古云堂上流塵生庭中綠草滋注流遊也

前溪舞罷君迴顧

今

樂錄云晉車騎將軍沈玩作前溪曲故劉剛詩云山邊  
歌樂日池上舞前溪 湖州有前溪唐于兢曰即南朝  
習樂之所 併覺今朝粉態新

### 富平少侯

七國三邊未到憂

史記冠帶之國七而三國邊於戎狄此言若邊陲有警富平少侯何憂

哉十三身襲富平侯

漢成帝鴻嘉初始微行或乘小車或皆騎馬出入市里遠至旁縣闕

雞走馬自稱富平侯富平侯者張安世三世孫臨尚公主所生子放也娶許皇后女弟與上遊宴禁中無度寵

幸甚盛故不收金彈拋林外

西京雜記韓嫣以金為彈丸一日失數十每出兒童

輒隨之以拾所落長安語曰苦饑寒逐彈丸

却惜銀床在井頭

銀床井欄也樂府淮南篇

云淮南王自言尊百尺高樓與天連  
綵樹轉燈珠錯落  
後園作井銀作床金瓶素綆汲寒漿  
開元遺事楊國忠姊妹上元夜置百枝燈  
樹輪轉無休杜詩云西域燈輪十影合  
繡檀回枕玉  
雕鏤枕有轆轤形也  
當關莫報侵晨客  
嵇康書云晝臥喜  
晚起當關呼之不  
置注漢有當關  
之職曉至呼門  
新得佳人字莫愁  
莫愁已注

## 楚宮

月姊曾聞下彩蟾

月姊謂嫦娥也詳見前注

傾城消息隔重簾

漢書李延

年歌云北方有佳人絕代而獨  
立一顧傾人城再顧傾人國

已聞珮響知腰細

漢書馬廖

傳楚王好細腰  
宮中多餓死

更辨絃聲覺指纖暮雨自歸山悄悄

暮雨

已秋河不動夜厭厭王昌且在牆東住

襄陽者舊傳王昌字公伯為東

半相散騎常侍早卒婦任城王曹子文女昌弟式為渡遼將軍長史婦尚書令桓楷女昌母聰明有教典二婦人門皆令變服下車不得踰後楷子嘉尚魏主欲金縷衣見式婦嘉止之曰其嫗嚴固不聽善耳不須持往其畏如此未必金堂得免嫌  
漢武帝八歲長公主欲以其畏如此未必金堂得免嫌女阿嬌妻帝帝曰我若得阿嬌當以金屋貯之詩意以桓嘉尚主故用金堂事言雖富之極終不免王昌家之嫌疑也

### 鄭州獻從叔舍人

蓬島煙霞閬苑鐘三官牋奏附金龍

唐吳道玄畫天地水三官皆乘龍鳳

輿筆東齊記云道家有金龍玉簡學士院撰文具一歲中齋醮投於名山洞府金龍以銅製玉簡以階石製

之茅君奕世仙曹貴

茅君已見前注

許掾全家道氣濃

十二真君傳許

遜字敬之汝南人舉孝廉拜蜀旌陽令慕道以晉室亂棄官歸師大洞君吳猛傳三清法要至太康二年八月

一日於洪州西山舉家四十二口白日皆拔宅上昇雲笈經云真君孫玉斧子嘗為臨沮令真誥稱許掾是

也絳簡尚參黃紙按

太上有丹簡黑錄經唐制舍人掌誥命有黃麻白麻此詩以官品比

仙品者也丹爐猶用紫泥封

紫泥已見前注

不知他日華陽洞

華陽洞

天名也

許上經樓第幾重

詩意舍人之職得近天顏亦能相薦達否

溫庭筠

字飛卿舊名岐井州人也宰相彥博之孫任終國子助教有集傳於世

春日將欲東遊寄苗紳

幾年辛苦與君同得喪悲歡盡是空猶喜故人先折桂

杜詩禮闈曾擢桂陳元老及第詩  
桃花先透三層浪月桂曾攀第一枝自憐羈客尚飄蓬

三春月照千山路十日花開一夜風知有杏園無路入

唐進士及第杏園初會謂之探花選年少  
者二人為探花使世謂之探花郎此也馬前惆悵滿

枝紅

河中陪節度遊河亭

倚欄愁立獨徘徊欲賦慙非宋玉才滿座山光搖劒戟  
遶城波色動樓臺鳥飛天外斜陽盡人過橋心倒影來

添得五湖多少恨  
柳花飄蕩似寒梅

過陳琳墓

琳廣陵人名在建安七子中

曾於青史見遺文

三國志有陳琳傳

今日飄零過古墳  
詞客有

靈應識我霸才無  
主始憐君

三國志陳琳避難冀州索紹以琳典文章令作檄以

告劉備言曹公失德後紹敗琳歸曹公曰卿為紹作書但可罪孤而已何乃上及祖父耶琳謝罪曰矢在弦

上不得不發曹公愛其才不責

石麟埋沒藏秋草

石麟已注

銅雀荒涼對暮

雲

魏武帝有銅雀臺

莫怪臨風倍惆悵  
欲將書劒學從軍

魏太祖辟

琳為軍謀祭酒

王粲從軍詩云從軍有苦樂但問所從誰

傷李羽士

柳不成絲草帶煙海槎東去鶴歸天

王子年拾遺記堯時有巨槎浮于西

海上光若星月十二年一周天名貫月槎又名掛星槎羽仙棲其上

愁腸斷處春何限病

眼開時月正圓花若有情應悵望水因無事莫潺湲

知此恨消難得孤負南華第二篇

莊子號南華真人第二篇即齊物論

初秋

月出西南露氣秋綺寮河漢在斜樓

綺寮一作倚霄左太冲魏都賦雷

雨窈冥而未半皎日籠光於綺寮注曰交結綺紋而為寮也

楊家繡作鴛鴦幔張氏

金為翡翠鈎

白氏六帖唐楊國忠張弘靖第宅服用甲於當時

香燭有光妨宿

燕曉屏無睡待牽牛

唐七夕宮中以錦綵結作高樓可容數十人陳花果酒炙以祀牛女

二星嬪妃穿斜乞巧動清商之樂宴樂達旦時人皆效之詩意以楊家張氏奢侈蓋當時風俗皆取法於宮

中蓋譏萬家砧杵三篙水一夕橫塘是舊遊

之也

### 楊柳

楊柳千條拂面絲綠煙金穗不勝吹香隨靜婉歌塵起

梁書羊侃字祖欣雅愛文史姬妾列侍窮極奢靡舞人張靜婉腰圍一尺六寸能為掌上舞影伴嬌

嬌

嬈舞袖垂

宋子侯有董嬌嬈詩郝使君云佳人屢出董嬌嬈

杜詩惱

羌管一聲何

處笛

笛中有折楊柳曲北伐云胡笳闌下思羌笛隴頭鳴

虞義詠霍將軍

流鶯百轉最

高枝

貴至詩千條弱柳垂青瑣百轉流鶯滿建章

千門九陌花如雪飛過宮

牆兩不知

### 春日偶成

西園一曲豔陽歌擾擾車塵負薜蘿

楚辭若有人兮山之阿被薜荔兮帶

女蘿

謝靈運溪行詩想見山阿人薜蘿若在眼

自欲放懷猶未得

杜詩放懷殊不愜良

覲渺

不知經世竟如何夜聞猛雨判花盡寒戀重衾覺

夢多釣渚別來應更好春風還為起微波

途中偶作

石路荒涼接野蒿，西風吹馬利如刀。  
暮城投驛蕙蘭靜，廢寺入門禾黍高。  
雞犬夕陽喧縣市，鳬鷺秋水暴城壕。  
詩鳬鷺在涇故山有夢不歸去，官樹陌塵何太勞。

春日野步

日西塘水金堤斜，百草芊芊暗吐芽。

暗一作青

野岸明嬌山

芍藥水田叫噪官，蝦蟆

晉惠帝在華林園聞蝦蟆聲問左右曰此為官乎為私乎侍中

賁肩對曰在官地為官在私地為私也

鏡中有浪動菱蔓，陌上無風吹柳。

花何事輕撓向溪客綠萍方好不歸家

和道溪君別業

積潤初消碧草新鳳陽晴日帶雕輪絲飄弱柳平橋晚

雪點寒梅小院春屏上樓臺陳後主

陳書至德二年後主於光照殿起臨

春結綺望仙三閣檻闌以沈檀為之飾以金玉每微風起香聞數里之外鏡中金翠李夫人

漢武帝夫人

花房露透紅珠落蛺蝶雙雙護粉塵

劉長卿

字文房河間人開元中進士為監察御史終隨州刺史有集傳於世

登餘干古城

饒州也

孤城上與白雲齊萬古蕭條楚水西官舍已空秋草綠

女牆猶在夜烏啼

古樂府有烏夜啼曲

平江渺渺來人遠落日亭

亭向客低沙鳥不知陵谷變

詩高岸為谷深谷為陵

朝來暮去弋

陽溪

弋溪在弋陽二十里有大石面如鏡鑄弋字近饒中故云

李德裕

字文饒蔭補校書郎召拜監察御史擢翰林學士未幾授御史中丞武宗立為門下侍郎

同中書門下平章事拜太尉後卒懿宗時詔追封衛國公贈尚書左僕射

### 嶺南道中

嶺水爭分路轉迷枕椰樹葉暗蠻溪

枕椰見前注

愁衝霧毒

逢蛇草

嶺南蛇過草有毒人遇之即病

畏落沙蟲避燕泥五月畬田收

火米

易无妄注田一歲曰苗三歲曰畬土人以五月收米為火米

三更津吏報朝雞

津吏守津之吏也五月收米三更雞鳴言嶺南氣候異於中土也

不堪腸斷思鄉處紅

槿花中越鳥啼

嶺南異物志云嶺南紅槿自正月至十二月常開秋冬差小耳

李紳

字公垂亳州人也元和元年進士補國子助教累遷中書舍人武宗即位拜中書侍郎平章事

與李德裕元稹同時稱三俊

### 江南暮春寄家

洛陽城見梅迎雪魚口橋逢雪送梅

魚橋在蘇州子城西琴高於此乘鯉

魚上

昇 劍外寺前芳草合

平江府即古姑蘇有吳王池在虎丘寺秦始皇嘗試劍於此

鏡湖亭上野花開

鏡湖即鑑湖在越州即今紹興府也

江鴻斷續翻雲去

海燕差池拂水迴

詩云燕燕于飛差池其羽

料得心知寒食近潛聽

喜鵲望歸來

漢陸賈曰乾鵲噪而行人至蜘蛛集而百事喜

## 紀唐夫

贈溫庭筠

開成中庭筠才名藉甚然不拘細行以文為貨識者鄙之執政有奏庭筠

攪擾場屋黜方城令中書舍人裴坦當制有澤畔長沙之比時文士爭為詩送別惟紀唐夫此

詩擅場當時盛傳也

何事明時泣玉頻

下和得玉獻楚懷王王使樂正子占之言石以為欺則其左足至平王復

獻之以為欺則其右足至昭王和復欲獻之恐復見害乃抱玉而哭泣盡繼之以血王使剖之得美玉封為侯

和辭謝而去

長安不見杏園春

杏園已注

鳳凰詔下雖霑命

石虎鄴中

記每詔書下著鳳雛口中銜出

鸚鵡才高却累身

鸚鵡賦見前注

且盡綠醅消

積恨休辭黃綬拂行塵

漢董巴輿服志二千石青綬十石六百石墨綬丞尉三百石長

相二百石皆黃綬

方城若比長沙路猶隔千山與萬津

左傳僖公三年

齊伐楚楚屈完對曰楚國方城以為城漢水以為池雖眾無所用之長沙喻賁諠也已見前注

陳上美

開成元年高錯放榜第人登科有詩集傳於世

咸陽懷古

山連河水碧氤氲瑞氣東移擁聖君

前漢都咸陽後漢都洛陽故曰東移

秦苑有花空笑日漢陵無主自侵雲

秦都咸陽西漢諸陵在焉

古槐

堤上鶯千轉遠渚沙中鷺一羣賴有淵明同把菊

陶詩采菊

東籬下悠然見南山煙郊四望夕陽曛

來鵬

鵬豫章人大中咸通間舉進士不中客死於維揚有詩集傳於世

宛陵送李明府罷任歸江州

菊花村晚雁來天共把離觴向水邊官滿便尋垂釣侶

家貧已用賣琴錢浪生湓浦十層雪

湓浦見前注

雲起爐峯

一炷煙

匡廬山有香爐峯李太白詩云日照香爐生紫煙

儻見吾鄉舊知己為

言顙顙過年年

清明日與友人遊玉塘莊

幾宿青山逐陸郎

晉陸機春遊樂府曰遊客芳春林春芳傷客心和風飛清響鮮雲垂薄陰

清明時節好風光歸穿綠符船頭滑醉踏殘花屐齒香

晉謝玄破符堅驛書至謝安對棊看書竟便放床上了無喜色園恭如故既罷還內心喜甚過戶限不覺屐齒

之折也

風急嶺雲飄迥野雨餘田水落方塘

文選劉公幹贈中郎將詩

細柳夾道生  
不堪吟罷東回首  
滿耳蛙聲正夕陽

鄭準

嘗為荆南從事

### 清明日江南

吳山楚驛四年中  
一見清明一改容  
旅恨共風連夜起

韶光隨酒著人濃  
延興門外攀花別

延興門在建康

采石江頭

帶雨逢

江源記商旅取石於此至都輪為造宮之石因名此渚為采石渡

無計歸心何

日是路邊戈甲正重重

章八元

睦州桐廬人大歷六年進士貞元中調句容主簿有詩集傳於世

登慈恩寺浮圖

十層突兀在虛空四十門開面面風却訝鳥飛平地上  
自驚人語半天中回梯暗踏如穿洞絕頂初攀似出籠  
落日鳳城佳氣合

梁元帝納涼詩高春  
斜日下佳氣滿欄檻

滿城春樹雨濛

濛

春一作煙

李羣玉

字文山澧州人也大中八年詣闕上表裴休  
入相薦之授弘文館校書郎有詩集行於世

將欲南行陪崔八宴海榴亭

朝宴華堂暮未休幾人偏得謝公留

謝公謝安也

風傳鼓角

霜侵戟雲捲笙歌月上樓賓館盡懸徐孺榻陳蕃為豫章太守不

接賓客惟徐孺子來特設一榻去則懸之客帆空戀李膺舟後漢郭林宗與李膺同舟而濟

眾賓望之皆以為神仙焉謾誇書劍無歸處水遠山長步步愁

### 秣陵懷古

野花黃葉舊吳宮六代豪華燭散風六代謂吳東晉宋齊梁陳也龍

虎勢衰佳氣歇諸葛亮謂吳大帝曰鍾阜龍蟠石頭虎踞真帝王所都也佳氣已注鳳凰

名在故臺空建康有鳳凰臺故基在保寧寺後李太白有詩市朝遷變秋蕪綠

墳塚高低落照紅霸業鼎圖人去盡建都之地獨來惆

帳水雲中

金塘道中

山連楚越復吳秦蓬梗何年是住身

蓬梗已注

黃葉黃花古

城道秋風秋雨別家人冰霜想度商於凍

商於即商州也

桂玉

愁居帝里貧

桂玉詳見前注

十口繫心拋不得每回回首即長

嘖

望月寄人

浮雲卷盡看腫朧

腫朧月明貌

直出滄溟上碧空盈手水光

寒不濕流天素彩靜無風酒花蕩漾金樽裏

李白詩惟願當歌對

酒時月光長照金樽裏

棹影飄飄玉浪中川路正長難可越

宋劉休玄

詩山高路難越注秦嘉妻徐氏答嘉書曰高山巖巖而君是越斯亦難矣

美人千里思何窮

宋謝莊月賦美人邁兮音塵濶隔千里兮共明月臨風歎兮將焉歇川路長兮不可越

### 送秦鍊師歸岑公山

在萬州

仙翁歸卧翠微岑一葉西風月峽深

言乘月而去也月峽即明月峽也

松逕定知芳草合玉書應念素塵侵

太上素真經曰玉書用青壁玄玉

為之閑雲不繫東西影野鶴寧知去住心

晉書嵇紹如野鶴昂藏在雞羣

中閑雲野鶴  
以比秦鍊師也

蘭渚蒼蒼春欲暮

曹植應詔詩朝發鸞臺夕宿蘭渚注公孫

兼月賦鷗雞舞於蘭渚

落花流水怨離琴

隋江總詩云去雲目徒送離琴手自揮

唐詩鼓吹卷七